

四庫全書薈要

• 乾隆御覽本

史部

資治通鑑卷二百

宋 司馬光 撰

胡三省 音註

唐紀十六

起旃蒙單閼十月盡玄默閏茂七月凡六年有奇

高宗天皇大聖大弘孝皇帝上之下

永徽六年冬十月己酉下詔稱王皇后蕭淑妃謀行鴆毒廢為庶人母及兄弟並除名流嶺南許敬宗奏故特進贈司空王仁祐告身尚存使逆亂餘孽猶得為蔭

唐制

凡受官者皆給以符謂之告身司
空正一品凡三品以上蔭及曾孫
並請除削從之乙卯

百官上表請立中宮

上時掌
翻下同

乃下詔曰武氏門著勲庸

地華纓黻往以才行選入後庭

行下
孟翻

譽重椒闥德光蘭

掖朕昔在儲貳特荷先慈常得侍從弗離朝夕

荷下可
翻從才

用翻離
力智翻

宮壺之內恒自飭躬

恒戶
登翻

嬪嬙之間未嘗迂目

嬙慈良翻婦官也迂五故
翻逆而視之謂之迂目

聖情鑒悉每垂賞歎遂以武

氏賜朕事同政君

政君事見二十七卷
漢宣帝甘露三年

可立為皇后丁

巳赦天下是日皇后上表稱陛下前以妾為宸妃韓瑗

來濟面折庭爭

事見上卷上年廢于卷
翻折之古翻爭讀曰諍

此既事之極難

豈非深情為國

偽為于翻

乞加褒賞上以表示瑗等瑗等彌

憂懼屢請去位上不許十一月丁卯朔臨軒命司空李

勣齋璽綬冊皇后武氏

璽斯氏翻
綬音受

是日百官朝皇后於

肅義門故后王氏故淑妃蕭氏並囚於別院上嘗念之

閒行至其所

問古
覓翻

見其室封閉極密惟竅壁以通食器

惻然傷之呼曰皇后淑妃安在王氏泣對曰妾等得罪

為宮婢何得更有尊稱

稱尺
證翻

又曰至尊若念疇昔使妾

等再見日月乞名此院為回心院上曰朕即有處置

處昌

呂翻武后聞之大怒遣人杖王氏及蕭氏各一百斷去手

足捉酒甕中曰令二姬骨醉

斷丁管翻去羌呂翻

數日而死

又斬之王氏初聞宣敕再拜曰願大家萬歲昭儀承恩

死自吾分淑妃罵曰阿武妖猾乃至於此願它生我為

猫阿武為鼠生生扼其喉由是宮中不畜猫

分扶問翻妖於喬翻

畜吁玉翻尋又改王氏姓為蟒氏

蟒莫朗翻蛇最大者曰蟒

蕭氏為梟氏

梟古堯翻

武后數見王蕭為祟被髮瀝血如死時狀後徙居

蓬萊宮復見之

數所角翻崇雖遂翻復扶又翻大明宮接西內宮城之東北曰東內本永安宮

貞觀八年置九月更名大明宮以備太上皇清暑後高宗以風痺厭西內秋濕龍朔二年始大興葺曰蓬萊宮

故多在洛陽終身不歸長安已巳許敬宗奏曰永徽爰

始國本未生權引彗星越升明兩

易離卦大象曰明兩作離大人以繼明照

四方彗祥歲翻

近者元妃載誕正胤降神

言代王弘武后之子當立

重光日

融燭暉宜息

崔豹古今注曰漢文帝為太子樂人歌四章以贊太子之德一曰日重光二曰月重

輪三曰星重暉四曰海重潤莊子曰日月出矣而燭火不息其於光也不亦難乎重直龍翻燭即略翻

安

可反植枝幹久易位於天庭倒襲裳衣使違方於震位

震長子也以守社稷宗廟為祭主也

又父子之際人所難言

漢武帝語田千秋之辭

事或犯鱗必嬰嚴憲

驪龍領下有逆鱗徑尺嬰之則死喻人主之威不可犯也

煎膏

染鼎臣亦甘心上召見問之對曰皇太子國之本也本猶未正萬國無所係心且在東宮者所出本微今知國家已有正嫡必不自安竊位而懷自疑恐非宗廟之福願陛下熟計之上曰忠已自讓對曰能為太伯願速從之西突厥頡苾達度設數遣使請兵討沙鉢羅可汗

厥九勿翻數所角翻使疏吏翻可從刊入聲汗音寒

甲戌遣豐州都督元禮臣冊

拜頡必達度設為可汗禮臣至碎葉城

自弓月城過思
渾川度伊麗河

至碎葉界又西行千里至
碎葉城屬焉耆都督府界

沙鉢羅發兵拒之不得前頡

必達度設部落多為沙鉢羅所併餘衆寡弱不為諸姓
所附禮臣竟不冊拜而歸 中書侍郎李義府參知政
事義府容貌溫恭與人語必嬉怡微笑而狡險忌刻故
時人謂義府笑中有刀又以其柔而害物謂之李猫

顯慶元年春正月辛未以皇太子忠為梁王梁州刺史
立皇后子代王弘為皇太子生四年矣忠既廢官屬皆

懼罪亡匿無敢見者右庶子李安仁獨候忠泣涕拜辭而去安仁綱之孫也

李綱著節於隋唐之間

壬申赦天下改元

二月辛亥贈武士驍司徒賜爵周國公

驍一號翻

三月

以度支侍郎杜正倫為黃門侍郎同三品

顯慶元年改戶部為度支

度徒洛翻

夏四月壬子矩州人謝無靈舉兵反

矩州諸蠻亦東謝蠻

之種落武德四年置矩州

黔州都督李子和討平之

黔音琴

己未上

謂侍臣曰朕思養人之道未得其要公等為朕陳之

為于

偽來濟對曰昔齊桓公出遊見老而饑寒者命賜之食

老人曰願賜一國之饑者賜之衣曰願賜一國之寒者
公曰寡人之廩府安足以周一國之饑寒老人曰君不
奪農時則國人皆有餘食矣不奪蠶桑則國人皆有餘
衣矣故人君之養人在省其征役而已今山東役丁歲
別數萬役之則人大勞取庸則人大費臣願陛下量公
家所須外餘悉免之

量音良

上從之 六月辛亥禮官奏

停太祖世祖配祀

高祖受禪追尊祖虎曰景皇帝廟號太祖考禹曰元皇帝廟號世祖

高祖配昊天於圓丘太宗配五帝於明堂

武德初立圓丘壇於明德

門外道東二里壇制四成各高八尺一寸下成廣二十丈再成廣十五丈三成廣十丈四成廣五丈每祀則昊天上帝及配帝設位於平座藉用橐籥器用陶匏五方上帝日月內官中官外官及衆星並皆從祀其五方帝从日月七座在壇之第二等內五星已下官五十五座在壇之第三等二十八宿已下中官一百三十五座在壇之第四等外官一百二十二座在壇下外壇之內衆星三百六十座在外壇之外以景帝配圓丘元帝配明堂從之 秋七月乙丑西洱蠻酋長楊棟附顯和蠻酋長

王郎祁郎昆梨盤四州酋長王伽衝等帥衆內附

梨州本西

寧州武德七年分南寧州二縣置貞觀八年更名梨州其地北接昆州晉梁水郡地也盤州本西平州武德四年置貞觀八年更名晉興古郡地也洱乃吏翻酋慈由翻帥讀曰率 癸未以中書令崔

敦禮為太子少師同中書門下三品八月丙申固安昭

公崔敦禮薨

謚法容儀恭美曰昭昭德有勞曰昭

辛丑蔥山道行軍總

管程知節擊西突厥與歌邏祿處月二部戰於榆幕谷

處月

處密姑蘇歌邏祿弩失畢五姓之衆賀魯為葉護時所統也據新書歌邏祿即葛邏祿也榆幕谷舊書本紀作榆幕大破之斬首千餘級副總管周智度攻突騎施處

木昆等部於咽城拔之

西突厥吐陸五噉處木昆律突騎施皆一噉也據新書咽城即

處木昆所居

斬首三萬級

乙巳龜茲王布失畢入朝

處昌呂翻

龜茲音丘慈

朝直遥翻

李義府恃寵用事洛州婦人淳于氏美

色繫大理獄義府屬大理寺丞畢正義枉法出之

屬之欲翻

將納為妾大理卿段寶玄疑而奏之上命給事中劉仁

軌等鞠之義府恐事洩逼正義自縊於獄中

諡於計翻

上知

之原義府罪不問侍御史連水王義方欲奏彈之

連水舊曰

襄賁置東海郡東魏改曰海安郡隋開皇初廢郡改襄賁曰連水屬海州唐屬泗水連音連

先白其

母曰義方為御史視姦臣不糾則不忠糾之則身危而

憂及於親為不孝二者不能自決奈何母曰昔王陵之

母殺身以成子之名

事見九卷漢高帝元年

汝能盡忠以事君吾

死不恨義方乃奏義府於輦轂之下擅殺六品寺丞

唐六

典大理寺丞從六品上

就云正義自殺亦由畏義府威殺身以滅

口如此則生殺之威不由上出漸不可長請更加勘當

長知兩翻當丁浪翻

於是對仗叱義府令下義府顧望不退義方

三叱上既無言義府始趨出義方乃讀彈文上釋義府

不問而謂義方毀辱大臣言辭不遜貶萊州司戶九

月括州暴風海溢溺四千餘家

新志處州本括州永嘉郡時兼有永嘉之地

元元年始析置温州

冬十一月丙寅生羌酋長浪我利波等帥

衆內附以其地置柘拱二州

柘州遼山郡拱州以鉢南伏浪恐部置皆屬松州都

督府宋白曰柘州以開拓為稱音達各翻

十二月程知節引軍至鷹娑川

遇西突厥二萬騎別部鼠尼施等二萬餘騎繼至

鼠尼施吐

陸五噉之一也居鷹娑川後置鷹娑都督府娑素何翻

前軍總管蘇定方帥五百

騎馳往擊之西突厥大敗追奔二十里殺獲千五百餘

人獲馬及器械綿亘山野不可勝計

勝音升

副大總管王

文度害其功言於知節曰今茲雖云破賊官軍亦有死

傷乘危輕脫乃成敗之法耳何急而為此自今常結方

陳置輜重在内

陳讀曰陣
重直用翻

遇賊則戰此萬全策也又矯

稱別得旨以知節恃勇輕敵委文度為之節制遂收軍

不許深入士卒終日跨馬被甲結陳不勝疲頓

被皮義
翻下同

陳讀曰陣
勝音升

馬多瘦死定方言於知節曰出師欲以討賊

今乃自守坐自困敵若遇賊必敗懦怯如此何以立功

且主上以公為大將

將即
亮翻

豈可更遣軍副專其號令事

必不然請囚文度飛表以聞知節不從至恒篤城

新書
作坦

萬城有羣番歸附文度曰此屬伺我旋師還復為賊

伺相
史翻

復扶人翻不如盡殺之取其資財定方曰如此乃自為賊耳

何名伐叛文度竟殺之分其財獨定方不受師旋文度坐矯詔當死特除名知節亦坐逗遛追賊不及減死免

官是歲以太常卿駙馬都尉高履行為益州長史高履

行尚太宗女東陽公主

韓瑗上疏為褚遂良訟寃曰

上時掌翻為于偽翻

遂良體國忘家捐身徇物風霜其操鐵石其心社稷之舊臣陛下之賢佐無聞罪狀斥去朝廷內外眚黎咸嗟

舉措

論語孔子曰舉直錯諸枉則民服舉枉錯諸直則民不服

臣聞晉武弘裕不貽

劉毅之誅

事見八十一卷太康三年

漢祖深仁無恙周昌之直

注已見前

恙於避翻

而遂良被遷已經寒暑違忤陛下其罰塞焉

忤五故翻

塞恙則翻

伏願緬鑒無辜

緬遠也

稍寬非罪俯矜微款以順人

情上謂瑗曰遂良之情朕亦知之然其悖戾好犯上

悖蒲

內翻又蒲沒翻好呼到翻

故以此責之卿何言之深也對曰遂良社

稷忠臣為讒諛所毀昔微子去而殷國以亡

殷紂暴虐日甚微子

抱樂器以奔周武王乃告諸侯曰殷有重罪不可不伐遂伐紂滅之

張華存而綱紀不亂

事見八十二卷至八十三卷

陛下無故棄逐舊臣恐非國家之福上

不納瑗以言不用乞歸田里上不許劉洎之子訟其

父冤稱貞觀之末為褚遂良所譖而死

事見一百九十八卷貞觀十九

年洎其

李義府復助之

復扶又翻

上以問近臣衆希義府之

冀翻

旨皆言其枉給事中長安樂彥瑋獨曰劉洎大臣人主

暫有不豫豈得遽自比伊霍今雪洎之罪謂先帝用刑

不當乎

當丁浪翻

上然其言遂寢其事

二年春正月癸巳分哥邏祿部置陰山大漠二都督府

以謀落部置陰山府以熾侯部置大漠府俱屬北庭都護府還郎佐翻

閏月壬寅上行

幸洛陽 庚戌以左屯衛將軍蘇定方為伊麗道行軍總

管

伊麗河一名帝帝河

帥燕然都護渭南任雅相

燕然都護府在黃河北至陰山七

十里至回紇界七百里去京師二千七百里龍朔三年改

曰瀚海都督府總章二年改為安北大都護府杜佑曰後

為中受降城南去朔方千三百餘里後魏於渭南置渭南

郡隋廢為縣屬京兆郡帥讀曰率燕因肩翻任音壬相息

亮副都護蕭嗣業發回紇等兵自北道討西突厥沙鉢羅

可汗嗣業鉅之子也

蕭鉅見一百八十一卷隋煬帝大業六年

初右衛大將軍

阿史那彌射及族兄左屯衛大將軍步真皆西突厥酋長

酋慈由翻

太宗之世帥衆來降

彌射室點密可汗五世孫世為莫賀咄葉護貞觀中

長知兩翻

遣使立為可汗族兄步真謀殺彌射而自立彌射不能
國即入朝步真遂自立為吐陸葉護衆不厭去之因亦
與族人入朝帥讀
至是詔以彌射步真為流沙安撫大
日率降戶江翻

使

考異曰舊西突厥吐陸傳吐陸可汗泥熱父莫賀
設貞觀七年遣鴻臚少卿劉善因冊為吐谷婁狀奚

利必咄陸可汗明年泥熱卒弟同娥設立為咄利失可
汗彌射傳云彌射者室點密可汗五代孫也世統十姓
部落在本蕃為莫賀咄葉護貞觀六年詔遣鴻臚少卿
劉善因就蕃立為奚利咄陸可汗其族兄步真欲自
立謀殺彌射彌射既與步真有隙以貞觀十三年率所
部處月處密部落入朝其後步真遂自立為吐陸葉護
部落不服步真復携家屬入朝彌射後從太宗征高麗
有功封平襄縣伯顯慶二年轉右武衛大將軍新傳略
同今欲以吐陸彌射為二人則事多相類以為一人則
事又相違疑不能明故但云西突厥酋長余按彌射

為吐陸可汗唐所冊也步真為吐陸葉護自稱也吐陸
之號雖同而可汗葉護位之尊卑有異不必泥吐陸之
號而傳疑而彌射步真實二人也余前注所引者新傳
也其辭略考異所引者舊傳也其辭詳大略同也又參
考新舊書劉善因冊可汗事與通鑑有六年七年之差
而新舊書可汗號有妻拔妻狀之差舊書又多一奚字
而貞觀中立彌射為奚利邲吐陸可汗則新舊書同詳
而考之劉善因冊泥執為奚利邲吐陸可汗明年而泥
執死弟同娥設立為沙鉢羅咥利失可汗又三年而咥
利失不為衆所歸西部又立欲谷設為乙毗吐陸可汗
二可汗兵爭吐利失乙毗相雄走死他國而射匱寔承
之太宗崩賀魯反而射匱為賀魯所并西突厥世次曉
然可考而新舊書於彌射傳皆云貞觀中遣劉善因立
彌射為奚利邲吐陸可汗以泥執傳觀之則善因所立
者泥執也以彌射傳觀之則善因所
立者彌射也考異所疑當以此耳

自南道招集舊衆

二月辛酉車駕至洛陽宮 庚午立皇子顯為周王

壬申徙雍王素節為郇王

雍於用翻
郇音荀

三月甲辰以潭

州都督褚遂良為桂州都督

桂州至京師水陸路
四千七百六十里

癸

丑以李義府兼中書令 夏五月丙申上幸明德宮避

暑上自即位每日視事庚子宰相奏天下無虞請隔日

視事許之 秋七月丁亥朔上還洛陽宮 王玄策之

破天竺也

見上卷貞觀
二十二年

得方士那羅邇娑婆寐以歸

娑婆寐

何自言有長生之術太宗頗信之深加禮敬使合長生

藥

太宗令娑婆寐於金闕門合延年藥合音問

發使四方求奇藥異石又發

使詣婆羅門諸國采藥

使疏吏翻

其言率皆迂誕無實苟欲

以延歲月藥竟不就乃放還上即位復詣長安

復扶又翻

又

遣歸玄策時為道王友

道王元慶高祖之子唐諸王府置友一人從五品下掌陪侍規

諷

辛亥奏言此婆羅門實能合長年藥自謂必成今遣

歸可惜失之玄策退上謂侍臣曰自古安有神仙秦始

皇漢武帝求之疲弊生民卒無所成

卒子恤翻

果有不死之

人今皆安在李勣對曰誠如聖言此婆羅門今茲再來

容髮衰白已改於前何能長生陛下遣之内外皆喜娑婆寐竟死於長安 許敬宗李義府希皇后旨誣奏侍

中韓瑗中書令來濟與褚遂良潛謀不軌以桂州用武之地授遂良桂州都督欲以為外援八月丁卯瑗坐貶

振州刺史濟貶台州刺史終身不聽朝覲

台州漢回浦縣地光武改

回浦為章安縣吳孫亮分會稽東部都尉為臨海郡治章安江左皆因之隋平陳廢為臨海縣屬永嘉郡唐武德四年分置台州諸州刺史有朝集故禁絕二人不得至京師振州至京師八千六百六里台州在京師東南四千一百七十七里朝直遙翻又貶褚遂良為愛州刺史榮州刺史柳

龔為象州刺史

榮州至京師二千九百七十二里象州至京師四千九百八十九里 考異曰

唐歷三月甲辰貶遂良為桂州都督龔愛州刺史據實錄龔坐韓瑗貶象州新舊書唐歷皆云愛州誤也今從

實錄遂良至愛州上表自陳

上時掌翻

往者濮王承乾交爭之

際臣不顧死亡歸心陛下時岑文本劉洎奏稱承乾惡

狀已彰身在別所其於東宮不可少時虛曠

少詩沼翻

請且

遣濮王往居東宮臣又抗言固爭皆陛下所見卒與無

忌等四人共定大策

事見一百九十七卷貞觀十七年卒子恤翻

及先朝大

漸獨臣與無忌同受遺詔

見上卷貞觀二十三年朝直遙翻

陛下在草

土之辰不勝哀慟臣以社稷寬譬陛下手抱臣頸臣與
無忌區處衆事成無廢闕數日之間內外寧謐力小任
重動罹愆過螻蟻餘齒乞陛下哀憐表奏不省

勝音升
處昌呂

胡省急
景翻

己巳禮官奏四郊迎氣存太微五帝之祀南

郊明堂廢緯書六天之義其方丘祭地之外別有神州

亦請合為一祀從之

歐陽修曰禮曰以禋祀祀昊天上帝此天也鄭玄以為天皇大帝者

北辰耀魄寶也又曰北五帝於四郊此五行精氣之神也玄以為青帝靈威仰赤帝赤熛怒黃帝含樞紐白帝白招矩黑帝叶光紀者五天也由是有六天之說唐初貞觀禮冬至祀昊天上帝於圓丘正月辛日祀感生帝

靈威仰於南郊以祈穀而孟夏雩於南郊季春大享於明堂皆祀五天帝至高宗時禮官以謂太史圓丘圖昊天上帝在壇上而糴鬼寶在壇第一等則昊天上帝非耀鬼寶可知許敬宗與禮官議曰六天出於緯書而南郊圓丘一也玄以為二物郊及明堂本以祭天而玄皆以為祭太微五帝傳曰凡祀啓蟄而郊郊而後耕故郊祀后稷以祈農事而玄謂周祭感帝靈威仰配以后稷因而祈穀皆繆說也由是盡杜玄說又武德中冬至及孟夏雩祭皇地祇於方丘神州地祇於北郊今亦合為一祀

辛未以禮部尚書許

敬宗為侍中兼度支尚書杜正倫為兼中書令冬十

月戊戌上行幸許州

許州漢潁川郡地東魏立南鄭州後周改許州因古許國以名州也

至京師一千三百里至東都四百里

乙巳畋於潢水之南壬子至汜水曲

涉直几翻泥水曲在鄭州新鄭縣界師古曰泥舊音凡今俗讀為祀

十二月乙卯朔車駕

還洛陽宮 蘇定方擊西突厥沙鉢羅可汗

厥九勿翻可從刊入

聲汗音寒至金山北先擊處木昆部大破之其俟斤嬾獨祿

等帥萬餘帳來降

俟渠之翻帥讀曰率下同降戶江翻

定方撫之發其千

騎與俱右領軍郎將薛仁貴上言泥孰部素不伏賀魯

泥孰部弩矢畢五俟斤之一也騎奇寄翻下同將即亮翻下同上時掌翻

為賀魯所破虜其

妻子今唐兵有破賀魯諸部得泥孰妻子者宜歸之仍

加賜資使彼明知賀魯為賊而大唐為之父母則人致

其死不遺力矣上從之泥孰喜請從軍共擊賀魯定方

至曳咥河西

曳咥河在伊麗河東

沙鉢羅帥十姓兵且十萬來拒

戰

吐陸五噉弩失畢五侯斤是為西突厥十姓

定方將唐兵及回紇萬餘人

擊之沙鉢羅輕定方兵少直進圍之

統下沒翻少詩沼翻

定方令

步兵據南原攢稍外向

稍色角翻

自將騎兵陳於北原

陳請日陣

下布陳同沙鉢羅先攻步軍三衝不動定方引騎兵擊之沙

鉢羅大敗追奔三十里斬獲數萬人明日勒兵復進

扶復

又翻下可復同

於是胡祿屋等五弩失畢悉衆來降沙鉢羅獨

與處木昆屈律噉數百騎西走

降戶江翻處昌呂翻噉步方翻騎奇寄翻

時

阿史那步真出南道五咄陸部落聞沙鉢羅敗皆詣步

真降定方乃命蕭嗣業回紇婆閏將騎兵趨邪羅斯川

舊書賀魯居多邏斯川在西州直北一千五百里此邪

羅斯川當在伊麗水之西咄當沒翻嗣祥吏翻紇下沒

翻趨讀曰趣音七

追沙鉢羅定方與任雅相將新附之

喻翻邪讀曰耶

衆繼之

任音士相息亮翻將即亮翻又音如字

會大雪平地二尺軍中咸

請俟晴而行定方曰虜恃雪深謂我不能進必休息士

馬亟追之可及若緩之彼遁逃浸遠不可復追省日兼

功在此時矣乃蹋雪晝夜兼行所過收其部衆至雙河

與彌射步真合去沙鉢羅所居二百里布陳長驅徑至

其牙帳

賀魯牙帳在金牙山直石國東北復扶又翻陳請曰陣

沙鉢羅與其徒將

獵定方掩其不備縱兵擊之斬獲數萬人得其鼓纛

徒纛

到翻又

沙鉢羅與其子咥運堦間噉等脫走趣石國

徒咥

徒沃翻

結翻噉步劣

定方於是息兵諸部各歸所居通道路置

翻趣七喻翻

郵驛掩骸骨問疾苦畫疆場復生業凡為沙鉢羅所掠

者悉括還之十姓安堵如故乃命蕭嗣業將兵追沙鉢

羅定方引軍還沙鉢羅至石國西北蘇咄城

場音亦爾祥吏翻還

從宣翻又音如字吐雷沒翻

人馬饑乏遣人齎珍寶入城市馬城主

伊沮達官

沮子余翻

詐以酒食出迎誘之入

誘音酉

閉門執之

送於石國蕭嗣業至石國石國人以沙鉢羅授之乙丑

分西突厥地置濠池崑陵二都護府

濠池都護府居碎葉川西崑陵都護

府居碎葉川東

考異曰舊書賀魯傳云定方行至曳

咄河西賀魯率胡祿居闕噉等二萬餘騎列陳而待定

方率任雅相等與之交戰賊衆大敗斬大首領都搭達

官等二百餘人賀魯及闕噉輕騎奔竄渡伊麗河兵

馬溺死者甚衆彌射進軍至伊麗水處月處密等部各

帥衆來降彌射又進次毀河賀魯先使步失達官鳩集

散卒據柵拒戰彌射步真攻之大潰又與蘇定方攻賀
魯於碎葉水大破之舊書本紀三年二月定方平賀魯
甲寅西域平以其地置濛池崑陵二都督府據實錄擒
賀魯置二都督皆在此月本紀又非奏到月日今從實
錄以阿史那彌射為左衛大將軍崑陵都護興昔亡可

汗押五咄陸部落阿史那步真為右衛大將軍濛池都
護繼往絕可汗押五弩失畢部落遣光祿卿盧承慶持
節冊命仍命彌射步真與承慶據諸姓降者準其部落
大小位望高下授刺史以下官 丁卯以洛陽宮為東

都

唐六典洛陽宮在東都皇城之北東西四里一百八十步南北二里八十五步周回十三里二百四十一

步洛州官吏員品並如雍州

雍於用翻

是歲詔自今僧尼

不得受父母及尊者禮拜

尼女夷翻

所司明有法制禁斷

當有

作為斷音短

以吏部侍郎劉祥道為黃門侍郎仍知吏部

選事

選須絹胡下同

祥道以為今選司取士傷濫每年入流之

數過一千四百雜色入流曾不銓簡

雜色補官者謂之流外官入流內叙

品謂之入流

即日内外文武官一品至九品凡萬三千四百

六十五員約準三十年則萬三千餘人略盡矣

即日者即今日

也若年別入流者五百人

別彼列翻

足充所須之數望有釐

革旣而杜正倫亦言入流人太多上命正倫與祥道詳

議而大臣憚於改作事遂寢祥道林甫之子也

劉林甫
貞觀初

為吏部侍郎

請四時聽選

三年春正月戊子長孫無忌等上所修新禮詔中外行

之

上時
掌制

先是議者謂貞觀禮節文未備

先悉
薦制

故命無忌

等修之時許敬宗李義府用事所損益多希旨學者非

之太常博士蕭楚材等以為豫備凶事非臣子所宜言

敬宗義府深然之遂焚國恤一篇由是凶禮遂闕

唐制
太常

博士從七品上掌六禮之儀式本先王之法制適
變隨時而損益焉六禮既闕凶禮遂為五禮焉

初

龜茲王布失畢妻阿史那氏與其相那利私通布失畢

不能禁

布失畢歸國見上卷永徽元年龜茲音丘慈又音屈佳

由是君臣猜阻各

有黨與互來告難

難乃旦翻

上兩召之既至囚那利遣左領

軍郎將雷文成送布失畢歸國

十四衛郎將正五品上

至龜茲東

境泥師城龜茲大將羯獵顛發衆拒之仍遣使降於西

突厥沙鉢羅可汗

使疏吏翻

布失畢據城自守不敢進詔左

屯衛大將軍楊胄發兵討之會布失畢病卒胄與羯獵

顛戰大破之擒羯獵顛及其黨盡誅之乃以其地為龜
茲都督府戊申立布失畢之子素稽為龜茲王兼都督
二月丁巳上發東都甲戌至京師 夏五月癸未徙

安西都護府於龜茲以舊安西復為西州都督府鎮高

昌故地

貞觀十四年平高昌置安西都
護府於交河城今徙於龜茲

六月營州都

督兼東夷都護程名振右領軍中郎將薛仁貴將兵攻
高麗之赤烽鎮拔之斬首四百餘級捕虜百餘人高麗
遣其大將豆方婁帥衆三萬拒之名振以契丹逆擊大

破之斬首二千五百級

考異曰舊書仁貴傳云顯慶二年副程名振經略遼東破高

麗於貴端城斬首

三千級今從實錄

秋八月甲寅播羅哀獠酋長多胡

桑等帥衆內附

播羅哀羅實生獠部落之名獠魯皓翻酋慈由翻長知兩翻

冬十

月庚申吐蕃贊普來請婚 中書令李義府有寵於上

諸子孩抱者並列清貴而義府貪冒無厭

冒莫北翻厭於鹽翻

母

妻及諸子女壻賣官鬻獄其門如市多樹朋黨傾動朝

野

朝直送翻

中書令杜正倫每以先進自處

處昌呂翻

義府恃恩

不為之下由是有隙與義府訟於上前上以大臣不和

兩責之十一月乙酉貶正倫橫州刺史義府普州刺史

正倫尋卒於橫州

橫州漢廣鬱高梁之地晉武帝太康七年置寧浦郡梁分置簡陽郡隋置

簡州大業廢為寧浦縣屬鬱林郡唐武德初復置南簡州貞觀八年更名橫州至京師五千五百三十九里東都四千七百五里普州漢牛鞞縣江資中三縣地後周置安岳縣并置普州隋廢州以縣屬資陽郡唐武德二年復置普州至京師二千三百六十里至東都三千二百三里卒子恤翻

阿史那賀魯既

被擒謂蕭嗣業曰我本亡虜為先帝所存

事見上卷貞觀二十二年

被皮義翻

先帝遇我厚而我負之今日之敗天所怒也吾聞

中國刑人必於市願刑我於昭陵之前以謝先帝上聞

而憐之賀魯至京師甲午獻于昭陵敕免其死分其種

落為六都督府

以處木昆部為匈奴都督府突騎施索葛莫賀部為溫鹿都督府胡祿屋闕部

為鹽泊都督府攝舍提暇部為雙河都督府鼠泥施處半部為鷹娑都督府突騎施阿利施部為潔山都督府

種章勇翻

其所役屬諸國皆置州府西盡波斯並隸安西都

護府

四鎮都督府州三十四西域都督府十六州七十二

賀魯尋死葬於頡利墓

側 戊戌以許敬宗為中書令大理卿辛茂將為兼侍

中 開府儀同三司鄧忠武公尉遲敬德薨

尉遲勿翻

敬德

晚年閑居學延年術修飾池臺奏清商樂以自奉養不

交通賓客凡十六年年七十四以病終朝廷恩禮甚厚

是歲愛州刺史褚遂良卒 雍州司士許禕與來濟

善

唐雍州司士曹司士參軍事正七品下掌津梁舟車舍宅工藝雅於用翻禕吁韋翻

侍御史張

倫與李義府有怨吏部尚書唐臨奏以禕為江南道巡

察使倫為劔南道巡察使

使疏吏翻

是時義府雖在外皇后

常保護之以臨為挾私選授

四年春二月乙丑免臨官 三月壬午西突厥興昔亡

可汗與真珠葉護戰於雙河斬真珠葉護

真珠葉護事始上卷永徽

四年夏四月丙辰以于志寧為太子太師同中書門下

三品乙丑以黃門侍郎許圜師參知政事

考異曰舊傳云二年同

中書門下三品新傳無年今從實錄

按考異所謂舊傳新傳皆許圜師傳也

武后以太尉

趙公長孫無忌受重賜而不助已

事見上卷永徽五年

深怨之及

議廢王后燕公于志寧中立不言

事見上卷永徽六年燕因肩翻

武后

亦不悅許敬宗屢以利害說無忌無忌每面折之敬宗

亦怨

說翰芮翻折之舌翻

武后既立無忌內不自安后令敬宗伺

其隙而陷之

伺相吏翻

會洛陽人李奉節告太子洗馬韋季

方監察御史李巢朋黨事

洗悉薦翻
監古街翻

敕敬宗與辛茂將

鞠之敬宗按之急季方自刺不死

刺七亦翻

敬宗因誣奏季

方欲與無忌構陷忠臣近戚使權歸無忌伺隙謀反今

事覺故自殺上驚曰豈有此邪舅為小人所間

問古苑翻

小

生疑阻則有之何至於反敬宗曰臣始末推究反狀已

露陛下猶以為疑恐非社稷之福

考異曰寶錄洛陽人李奉節上封事告

太子洗馬韋季方監察御史李巢朋交通朝貴有朋黨之事詔敬宗與辛茂將鞠之敬宗按之甚急季方事迫自刺不死又搜奉節得私書有題與趙師者遂奏言趙師即無忌也陰為隱語欲陷忠良伺隙謀反上驚曰豈當

有此或容惡人間構小生疑阻至於即反猶恐不然敬宗奏曰臣始末推勘自奉節有趙師之言又得偽書是季方所作即疑無忌欲反使其潛行構間斥除忠臣近戚此計若行自然權歸無忌蹤跡已露陛下猶有所疑恐非社稷之福舊無忌傳云敬宗使人上封事稱監察御史李巢與無忌交通謀反詔敬宗與茂將勒之唐歷統紀與實錄略同按奉節乃告事之人推勒者豈得反搜奉節之家且與趙師者誰之私書若是季方書安得在奉節家若在奉節家奉節當執以興訟何待搜而後得又既云趙師是無忌乃是實與無忌書何得謂之偽書實錄叙此事殊鹵莽首尾差舛不可知其詳實故略取大意而已舊傳所云雖為簡徑然高宗初無疑無忌之心故李弘泰告無忌反高宗立斬之何至奉節而獨令敬宗勒之也且實錄在前而詳列傳在後而略故亦未可據也上泣曰我家不幸親戚間屢有異志往年高陽公

主與房遺愛謀反

事見上卷
永徽三年

今元舅復然

復扶
又翻

使朕慙

見天下之人茲事若實如之何對曰遺愛乳臭兒與一

女子謀反勢何所成無忌與先帝謀取天下天下服其

智為宰相三十年

無忌自貞觀初為
相至是三十餘年

天下畏其威若一

旦竊發陛下遣誰當之今賴宗廟之靈皇天疾惡因按

小事乃得大姦實天下之慶也臣竊恐無忌知季方自

刺窘急發謀攘袂一呼

呼大
故翻

同惡雲集必為宗廟之憂

臣昔見宇文文化及父述為煬帝所親任結以婚姻委以

朝政述卒化及復興禁兵

卒子恤翻復扶又翻下宗復同

一夕於江都

作亂先殺不附己者臣家亦豫其禍於是大臣蘇威裴

矩之徒皆舞蹈馬首唯恐不及黎明遂傾隋室

事見一百八十

六卷高祖武德元年

前事不遠願陛下速決之上命敬宗更加審

察明日敬宗復奏曰昨夜季方已承與無忌同反臣又

問季方無忌與國至親累朝寵任何恨而反季方答云

韓瑗嘗語無忌云

語牛倨翻

柳奭褚遂良勸公立梁王為太

子今梁王既廢上亦疑公故出高履行於外

履行無忌舅子也去

年出為益
州長史

自此無忌憂恐漸為自安之計後見長孫祥

又出韓瑗得罪日夜與季方等謀反臣參驗辭狀咸相
符合請收捕準法上又泣曰舅若果爾朕決不忍殺之
天下將謂朕何後世將謂朕何敬宗對曰薄昭漢文帝
之舅也文帝從代來昭亦有功所坐止於殺人文帝使
百官素服哭而殺之

事見漢
文帝紀

至今天下以文帝為明主

今無忌忘兩朝之大恩謀移社稷其罪與薄昭不可同
年而語也幸而姦狀自發逆徒引服陛下何疑猶不早

決古人有言當斷不斷反受其亂

道家之言
斷丁亂翻

安危之機

間不容髮無忌今之姦雄王莽司馬懿之流也陛下少

更遷延

少詩
詔翻

臣恐變生肘腋悔無及矣上以為然竟不

引問無忌戊辰下詔削無忌太尉及封邑以為揚州都

督於黔州安置準一品供給

唐六典膳部郎中一品食
料每日細白米二升粳米

梁米各一斗五升粉

一升油五升鹽一升半醋三升蜜

三合粟一斗梨七顆蘇一合乾棗一升木槿十根炭十

斤蔥韭豉蒜薑椒之類各有差每月給羊二十口

祥無

猪肉六十斤魚三十頭各一尺酒九斗黔音琴

忌之從父兄子也

從才
用翻

前此自工部尚書出為荊州長

史故敬宗以此誣之敬宗又奏無忌謀逆由褚遂良柳
奭韓瑗構扇而成奭仍潛通宮掖謀行鴆毒于志寧亦
黨附無忌於是詔追削遂良官爵除奭瑗名免志寧官

于志寧欲以緘默免禍而卒不免不若褚遂良無愧於昭陵也遣使發道次兵援送無

忌詣黔州使疏無忌子秘書監駙馬都尉冲等皆除名

流嶺表長孫冲尚太宗女長樂公主遂良子彦甫彦冲流愛州於道

殺之益州長史高履行累貶洪州都督自大都督府長史為遠州都督

為貶益州在京師西南二千三百七十九里東都三千二百一十六里洪州在京師東南三千九十里至東都

二千二百一十一里

考異曰

舊傳云三年誤也今從唐歷

五月丙申兵部尚書

任雅相度支尚書盧承慶並參知政事承慶思道之孫

也盧思道仕於高齊以支稱任
音壬相息亮翻度徒洛翻

涼州刺史趙持滿多

力善射喜任俠

喜許
記翻

其從母為韓瑗妻

從才用翻
下之從同

其舅

駙馬都尉長孫銓無忌之族弟也銓坐無忌流寓州

舊音

體

許敬宗恐持滿作難

難乃
旦翻

誣云無忌同反

誣云之下
恐脫與字

驛召至京師下獄訊掠備至終無異辭曰身可殺也辭

不可更

下避嫁翻掠音
亮更工衛翻

吏無如之何乃代為獄辭結奏

結奏結其罪而奏之

戊戌誅之尸於城西親戚莫敢視友人王方

翼歎曰樂布哭彭越義也

事見十二卷漢高帝十一年

文王葬枯骨

仁也下不失義上不失仁不亦可乎乃收而葬之上聞

之不罪也方翼廢后之從祖兄也長孫銓至流所縣令

希旨杖殺之六月丁卯詔改氏族志為姓氏錄初太

宗命高士廉等修氏族志

事見一百九十五卷貞觀十二年

升降去取

時稱允當

當丁浪翻

至是許敬宗等以其書不叙武氏本望

奏請改之乃命禮部郎中孔志約等比類升降以后族

為第一等其餘悉以仕唐官品高下為準凡九等於是士卒以軍功致位五品陳士流時人謂之勲格許敬宗議封禪儀已已奏請以高祖太宗俱配昊天上帝太穆文德二皇后俱配皇地祇從之秋七月命御史往

高州追長孫思象州追柳奭振州追韓瑗並枷鎖詣京師仍命州縣簿錄其家思無忌之族弟也壬寅命李勣許敬宗辛茂將與任雅相盧承慶更共覆按無忌事

考

異曰唐歷是日以台州刺史來濟為庭州刺史來濟與韓瑗事同一體瑗方下獄濟豈得移官舊書云五年徙

虔州近是許敬宗又遣中書舍人袁公瑜等詣黔州再鞠無

忌反狀

點音琴

至則逼無忌令自縊詔柳奭韓瑗所至斬

决使者殺柳奭于象州

考異曰舊傳云奭累貶愛州刺史高宗就愛州殺之今從實

錄

韓瑗已死發驗而還

發棺而驗其尸還從宣翻又如字考異曰舊瑗傳云四年卒

官明年長孫無忌死遣使殺之使至瑗已死褚遂良傳三年卒官後二歲追削官爵實錄或因無忌徙黔州終言之然諸書多在此月蓋因實錄年代記云七月辛未遣使逼無忌自縊按長歷七月丙子朔無辛未不可據

也籍沒三家近親皆流嶺南為奴婢常州刺史長孫祥

坐與無忌通書處絞

常州在京師東南二千八百四十里至東都一千九百八十三里

處昌長孫恩流檀州

檀州漢漁陽郡疏奚縣地後魏置安州後周改曰玄州隋開皇十六

年改檀州大業初廢州為安樂郡唐後為檀州在京師東北二千五百六十七里至東都一千八百四十四里

考異曰唐統紀唐歷皆云長孫恩新書云族弟恩統紀唐歷長孫詮流焉州縣令希旨殺之在此下實錄詮流焉州許敬宗懼其甥趙持滿作難遂殺持滿是詮流焉州在前今從之

八月壬子以普

州刺史李義府兼吏部尚書同中書門下三品義府既

貴自言本出趙郡與諸李叙昭穆

昭市招翻

無賴之徒藉其

權勢拜伏為兄叔者甚衆給事中李崇德初與同譜及

義府出為普州即除之義府聞而銜之及復為相

復扶又翻

使人誣構其罪下獄自殺

下獄
榘翻

乙卯長孫氏柳氏緣

無忌與貶降者十三人高履行貶永州刺史

永州舊零陵郡隋平

陳置永州在京師南三千二百七十四里至東都三千六百六十五里

于志寧貶榮州刺

史于氏貶者九人自是政歸中宮矣 九月詔以石米

史大安小安曹拔汗那怛怛疎勒朱駒半等國置州縣

府百二十七

米國或曰彌末或曰弭鉢賀北百里距康國其王治鉢息德城大安一曰布豁又曰

捕喝元魏謂怛密者東北至小安百里西瀕烏許河治阿溫謐城即康居小君長尉王故地小安一曰東安曰喝汗在那密水之陽東距河二百里許治喝汗城曹亦有東西中國東曹居波悉山之陰漢貳師城地也北至

石西至康東北寧遠皆四百里西曹者隋時曹國也南
接史及波覽治瑟底痕城中曹治迦底真城拔汗那即
寧遠或曰鏐汗元魏所謂破洛那去京師八千里居西
韃城在真珠河之北後分為二一治呼悶城一治遏塞
城怛怛國漢大月氏之種大月氏為烏孫所奪西過大
宛擊大夏臣之大夏即吐火羅也噉噉王姓也後世以
姓為國訛為怛怛杜佑曰噉噉或云高車之別種或云
大月氏之別種怛怛亦大月氏別種如佑所云則噉噉
怛怛似是兩國疎勒一名佉沙距長
安九千里而羸怛音邑怛當割翻

冬十月丙午太

子加元服赦天下

太子加元服其儀備見於新書禮志

初太宗疾山東

士人自矜門地昏姻多責資財命修氏族志例降一等
王妃主壻皆取勳臣家不議山東之族而魏徵房玄齡

李勣家皆盛與為昏常左右之

左右讀曰佐佑

由是舊望不減

或一姓之中更分某房某眷高下懸隔李義府為其子

求昏不獲恨之

為于偽翻

故以先帝之旨勸上矯其弊壬戌

詔後魏隴西李寶太原王瓊滎陽鄭溫范陽盧子遷盧

渾盧輔清河崔宗伯崔元孫前燕博陵崔懿晉趙郡李

楷等子孫不得自為昏姻

燕因肩翻

仍定天下嫁女受財之

數母得受陪門財

陪門財者女家門望素高而議姻之家非耦令其納財以陪門望

然

族望為時所尚終不能禁或載女竊送夫家或女老不

嫁終不與異姓為昏其衰宗落譜昭穆所不齒者往往

反自稱禁昏家益增厚價

厚取陪門之財也昭市招翻

閏月戊寅

上發京師令太子監國太子思慕不已

人少則慕父母

上聞之

遽召赴行在戊戌車駕至東都

監古街翻

十一月丙午以

許圜師為散騎常侍檢校侍中

散悉賣翻騎奇奇翻

戊午侍中

兼左庶子辛茂將薨

思結侯斤都曼帥疎勒朱俱波

謁般陀三國反

新書作喝盤陀或曰漢陀曰渴館檀亦謂渴羅陀由疎勒西南入劄末谷不忍

嶺六百里則其國也距瓜州四千五百里直朱俱波西南距懸度山俟渠之翻帥讀曰率擊破于闐

癸亥以左驍衛大將軍蘇定方為安撫大使以討之

號

堯翻使
疏吏翻

以盧承慶同中書門下三品右領軍中郎

將薛仁貴等與高麗將溫沙門戰於橫山破之

將即亮
翻麗力

知

蘇定方軍至業葉水

自庭州輪臺縣西行
三百許里至業葉河

思結保

馬頭川定方選精兵萬人騎三千匹馳往襲之一日一

夜行三百里詰旦至城下

騎奇寄翻
詰去吉翻

都曼大驚戰於城

外都曼敗退保其城及暮諸軍繼至遂圍之都曼懼而

出降

降戶
江翻

五年春正月定方獻俘於乾陽殿

乾陽殿在洛陽宮

法司請誅

都曼定方請曰臣許以不死故都曼出降願勾其餘生

句古太翻

上曰朕屈法以全卿之信乃免之

甲子上發東

都二月辛巳至并州

東都至并州八百里

三月丙午皇后宴親

戚故舊鄰里於朝堂婦人於內殿班賜有差

武后并州文水縣人

天子行幸所至皆有朝堂太宗伐高麗張受降幕於朝堂之側是也皇后所居為內殿朝直遙翻

詔并

州婦人年八十以上皆版授郡君

郡君有正四品從四品正五品之差

百濟恃高麗之援數侵新羅

數所角翻

新羅王春秋上表求

救辛亥以左武衛大將軍蘇定方為神丘道行軍大總

管

新書作神

帥左驍衛將軍劉伯英等

帥讀曰率號堅亮翻

水陸十

萬以伐百濟

考異曰舊書定方傳新羅傳皆云定方為熊津道大總管實錄定方傳亦同今從

此年實錄新唐書本紀又舊本紀唐歷皆云四年十二月癸亥以定方為神丘道大總管劉伯英為碣夷道行

軍總管按定方時討都曼末為神丘道總管舊書唐歷皆誤今從實錄

以春秋為碣夷道

行軍總管

因克典宅碣夷曰賜谷而命之

將新羅之衆與之合勢

將即亮翻

夏四月丙寅上發并州癸巳至東都五月作合璧宮

時改八關宮為合璧宮在東都苑內

壬戌上幸合璧宮

戊辰以定襄都

督阿史德樞賓左武侯將軍延陀梯真

梯真薛延陀之種故以為姓

居延州都督李合珠並為冷岍道行軍總管

岍與岫同即冷陁山

奚與契丹依阻此山以自固其地在潢水之南黃龍之北

各將所部兵以討叛奚仍

命尚書右丞崔餘慶充使總護三處兵奚尋遣使降

將

亮翻下同使疏吏翻降戶江翻

更以樞賓等為沙磧道行軍總管以討

契丹擒契丹松漠都督阿卜固送東都

磚職緣翻

六月庚

午朔日有食之 甲午車駕還洛陽宮 房州刺史梁

王忠年浸長頗不自安或私衣婦人服以備刺客

長知兩翻

衣於
既細

又數自占吉凶

數所
角細

或告其事秋七月乙巳廢忠

為庶人徙黔州囚於承乾故宅

太宗貞觀十七年徙太子承乾於黔州黔音琴

丁卯度支尚書同中書門下三品盧承慶坐科調失

所免官

度支尚書凡徭賦職貢之方經費調給之算裁貨藏縮之準悉以咨之今科調不得其所為不

任其職故免所
居官調徒弔細

八月吐蕃祿東贊遣其子起政將兵

擊吐谷渾以吐谷渾內附故也

吐從職入
聲谷音浴

蘇定方引

兵自成山濟海百濟據熊津江口以拒之定方進擊破之百濟死者數千人餘皆潰走定方水陸齊進直趣其

都城

北史百濟都俱拔城亦曰固麻城其外更有五方中方曰古沙城東方曰得安城南方曰久知下城

西方曰刀先城北方曰熊津城趣七旬

未至二十餘里百濟傾國來戰大

破之殺萬餘人追奔入其郭百濟王義慈及太子隆逃

于北境定方進圍其城義慈次子泰自立為王帥衆固

守隆子文思曰王與太子皆在而叔遽擁兵自王

帥讀曰率

下同王于況翻

借使能却唐兵我父子必不全矣遂帥左右踰

城來降百姓皆從之泰不能止定方命軍士登城立幟

泰窘迫開門請命於是義慈隆及諸城主皆降

降戶江翻幟昌

志百濟故有五部分統三十七郡二百城七十六萬戶

詔以其地置熊津五都督府

熊津馬韓東明金連德安五都督府

以其酋

長為都督刺史

酋慈由翻長知兩翻

壬午左武衛大將軍鄭仁

泰將兵討思結拔也固僕骨同羅四部

拔也固即拔野古僕骨即僕固

將即亮翻

三戰皆捷追奔百餘里斬其酋長而還

冬十月

上初苦風眩頭重目不能視百司奏事上或使皇后決

之后性明敏涉獵文史處事皆稱旨由是始委以政事

權與人主侔矣

史言后移唐祚至是而勢成處昌呂翻稱尺證翻

十一月戊

成朔上御則天門樓

唐六典東都宮城南面三門中曰應天後以武后號則天遂更曰應

天受百濟俘自其王義慈以下皆釋之蘇定方前後滅

三國皆生擒其主

謂賀魯都曼義慈也

赦天下

甲寅上幸許州

十二月辛未畋於長社

長社漢古縣屬潁川郡隋改長社曰潁川唐復舊帶許州

已

卯還東都

壬午以左驍衛大將軍契苾何力為潁江

道行軍大總管

潁水在高麗國中號聖克翻契欺訖翻潁普蓋翻

左武衛大將

軍蘇定方為遼東道行軍大總管左驍衛將軍劉伯英

為平壤道行軍大總管蒲州刺史程名振為饒方道總

管將兵分道擊高麗青州刺史劉仁軌坐督海運覆船

以白衣從軍自効

考異曰舊傳云監統水軍征遼以後期坐免官按仁軌從軍乃在百濟

非征遼也今從張鷟朝野僉載

龍朔元年春正月乙卯募河南北淮南六十七州兵得

四萬四千餘人詣平壤鏤方行營戊午以鴻臚卿蕭嗣

業為扶餘道行軍總管帥回紇等諸部兵詣平壤

肅陵如翻

帥讀曰率
訖下沒翻

二月乙未晦改元 三月丙申朔上與羣

臣及外蕃宴於洛城門

唐六典洛陽宮城西北出曰洛城西門其內曰德昌殿德昌殿

南出曰延慶門又南曰韶輝門西
南曰洛城南門其內曰洛城殿
觀屯營新教之舞謂

之一戎大定樂

取一戎衣天下大定之義舞者百四十人

出自破陳樂自破陳舞以下皆雷大鼓雜以龜茲之樂
聲振百里動蕩山谷大定樂加金鉦象平遼東而邊隅
大定也杜佑曰大定
樂歌云八絃同執樂時上欲親征高麗以象用武之勢

也初蘇定方既平百濟留郎將劉仁願鎮守百濟府

城又以左衛中郎將王文度為熊津都督撫其餘衆文

度濟海而卒

辛子恤翻

百濟僧道琛故將福信聚衆據周留

城將即迎故王子豈於倭國而立之

倭鳥禾翻

引兵圍仁願

於府城詔起劉仁軌檢校帶方州刺史

帶方州置於百濟界因古地名

以名州 考異曰 僉載云 劉仁軌以仁軌檢校帶方州刺史 今從本傳

將王文度之衆便

道發新羅兵以救仁願

將即亮翻

仁軌喜曰天將富貴此翁

矣於州司請唐厯及廟諱以行

按劉仁軌自青州刺史白衣從軍此蓋於青州

州司請之也

曰吾欲平定東方頌大唐正朔於海表仁軌御

軍嚴整轉鬪而前所向皆下百濟立兩柵於熊津江口

仁軌與新羅兵合擊破之殺溺死者萬餘人

溺奴狄翻

道琛

乃釋府城之圍退保任存城

任存城在百濟西部任存山 考異曰 實錄或作任

孝城未知孰是
今從其多者

新羅糧盡引還道琛自稱領軍將軍福

信自稱霜岑將軍招集徒衆其勢益張

張知亮翻

仁軌衆少

與仁願合軍休息士卒

少詩沼翻

上詔新羅出兵新羅王春

秋奉詔遣其將金欽將兵救仁軌等至古泗福信邀擊

敗之

將即亮翻敗補邁翻

欽自葛嶺道遁還新羅不敢復出

復扶又翻

福信尋殺道琛專總國兵夏四月丁卯上幸合璧宮

庚辰以任雅相為涇江道行軍總管契苾何力為遼

東道行軍總管蘇定方為平壤道行軍總管與蕭嗣業

及諸路兵凡三十五軍水陸分道並進上欲自將大軍

繼之癸巳皇后抗表諫親征高麗麗力詔從之六月

癸未以吐火羅噉噉罽賓波斯等十六國罽賓隋潛國也居蔥嶺南

距長安萬二千里而羸四國及訶達羅支國解蘇國骨

吐施國旣延國石汗那國後時捷國怛沒國烏拉喝國

多勒建國俱安國後安多國久越得捷國凡十六噉益涉翻噉當割翻又宅軋翻罽音計置都督府

八州七十六考異曰唐歷云置州二十六今從統紀

以東凡十六國各以其王都為都督府吐火羅國都為

月氏都督府領州二十五噉噉國都為大汗都督府領

州十五訶達羅支國都為條支都督府領州九解蘇國

都為天馬都督府領州二骨吐施國都為高附都督府

領州二屬賓國都為脩鮮都督府領州十旻延國都為
寫鳳都督府領州四石汗耶國都為悅般州都督府領
州一獲時捷國都為奇沙州都督府領州二怛沒國都
為姑墨州都督府領州一烏拉喝國都為旅契州都督
府多勒建國都為崑墟州都督府俱賓國都為至拔州
都督府獲安多國都為烏飛州都督府領州一久越得
捷國都為王庭州都督府波斯國都為波斯都督府通
鑑言置都督府八者蓋謂月氏大汗條支天馬高附脩
鮮寫鳳波斯八都督府餘悅般等八州都督府不預也
新志所載領州七十二其數亦與通鑑所引統紀不合

縣一百一十軍府一百二十六並隸安西都護府 秋

七月甲戌蘇定方破高麗於涓江屢戰皆捷遂圍平壤
城 九月癸巳朔特進新羅王春秋卒以其子法敏為

樂浪郡王新羅王

卒子恤翻樂浪音洛琅

士子徙潞王賢為沛

王賢聞王勃善屬文

屬之欲翻

召為修撰

撰士免翻

勃通之孫也

王通隋末大儒謚文中子

時諸王鬪雞勃戲為檄周王雞文

曰舊傳

云檄英王雞按中宗為英王時

沛王賢已為太子當云周王

上見之怒曰此乃交構

之漸斥勃出沛府高麗蓋蘇文遣其子男生以精兵

數萬守鴨綠水諸軍不得度契苾何力至值永大合何

力引衆乘冰度水鼓譟而進高麗大潰追奔數十里斬

首三萬級餘衆悉降

降戶江翻

男生僅以身免會有詔班師

乃還冬十月丁卯上畋于陸渾

陸渾古伊川春秋時秦晉遷陸渾戎於此

漢因以名縣屬弘農郡後魏置伊川郡隋廢郡改縣曰伏流大業初復曰陸渾屬洛州

戊申又畋

于非山癸酉還宮

回紇酋長婆閏卒姪比栗毒代領

其衆

紇下沒翻酋慈由翻長知兩翻卒子恤翻異曰新書傳云婆閏卒子比栗嗣今從舊傳

考與

同羅僕固犯邊詔左武衛大將軍鄭仁泰為鐵勒道行

軍大總管燕然都護劉審禮左武衛將軍薛仁貴為副

燕因肩翻

鴻臚卿蕭嗣業為仙萼道行軍總管

碣北有仙萼河

右屯

衛將軍孫仁師為副將兵討之

將即亮翻

審禮德威之子也

劉德威見一百五十四

卷太宗貞觀十一年

二年春正月辛亥立波斯都督卑路斯為波斯王二

月甲子改百官名以門下省為東臺中書省為西臺尚

書省為中臺侍中為左相中書令為右相僕射為匡政

左右丞為肅機尚書為太常伯侍郎為少常伯其餘二

十四司御史臺九寺七監十六衛並以義訓更其名而

職任如故

改吏部為司列司勳司封如故考功為司績
戶部為司元度支為司度金部為司珍倉部

為司庾禮部為司禮祠部為司禋主客為司蕃膳部為
司膳兵部為司戎職方為司城駕部為司輿庫部為司

庫刑部為司刑都官為司僕比部為司計司門為司關
工部為司平屯田為司田虞部為司虞水部為司川凡
二十四司郎中皆改為大夫改御史臺曰憲臺大夫曰
大司憲中丞曰司憲大夫改大常寺曰奉常寺光祿寺
曰司宰寺衛尉寺曰司衛寺宗正寺曰司宗寺太僕寺
曰司馭寺大理寺曰詳刑寺鴻臚寺曰同文寺司農寺
曰司稼寺太府寺曰外府寺凡九寺卿皆曰正卿少卿
皆曰大夫改秘書省曰蘭臺監監曰太史少監曰侍郎
丞曰大夫殿中省為中御府監監曰大監國子監為司
成館祭酒曰大司成司業曰少司成少府監為內府監
將作監為繕工監大匠曰大監少匠曰少監都水監為
司津監凡七監左右衛府驍衛府武衛府皆省府字左
右威衛曰左右武威衛左右領軍衛曰左右戎衛左右
候衛曰左右金吾衛左右監門府曰左右監門衛左右
千牛府曰左右奉
宸衛凡十六衛

甲戌涓江道大總管任雅相薨于

軍雅相為將

涇普大翻任音壬相
息亮翻將即亮翻

未嘗奏親戚故吏從

軍皆移所司補授謂人曰官無大小皆國家公器豈可

苟便其私由是軍中賞罰皆平人服其公 戊寅左驍

衛將軍白州刺史沃沮道總管龐孝泰

白州本漢合浦
縣地武德四年

置南州六年改
白州沮子余翻

與高麗戰於蛇水之上軍敗與其子十

三人皆戰死蘇定方圍平壤久不下會大雪解圍而還

三月鄭仁泰等敗鐵勒於天山

敗補邁翻
下所敗翻

鐵勒九姓

聞唐兵將至合衆十餘萬以拒之選驍健者數十人挑

戰薛仁貴發三矢殺三人餘皆下馬請降仁貴悉阮之

度磧北擊其餘衆獲葉護兄弟三人而還

驍堅堯翻挑徒了翻降戶

江翻磧七亦翻

軍中歌之曰將軍三箭定天山壯士長歌入漢

關恩結多濫葛等部落先保天山聞仁泰等將至皆迎

降仁泰等縱兵擊之掠其家以賞軍虜相帥遠遁

帥讀曰率

將軍楊志追之為虜所敗候騎告仁泰虜輜重在近往

可取也

騎奇寄翻下同重直用翻

仁泰將輕騎萬四千倍道赴之遂

踰大磧至仙萼河

新書曰鵲牙北六百里至仙娥河

不見虜糧盡而還

值大雪士卒飢凍棄捐甲兵殺馬食之馬盡人自相食

比入塞

比必寐翻及也

餘兵纔八百人軍還司憲大夫楊德裔

劾奏仁泰等

漢御史臺有二丞掌殿內秘書謂之中丞漢末改為御史長史後漢復為中丞後魏

改為中尉正北齊復曰中丞後周曰司憲中大夫隋諱中改為治書御史唐因之貞觀末避高宗名改為中丞是年改為司憲大夫正五品上掌貳大司憲持邦國憲章以肅正朝廷劾戶槩翻入戶得翻

誅殺已

降

降戶江翻

使虜逃散不撫士卒不計資糧遂使骸骨蔽野

棄甲資寇自聖朝開創以來未有如今日之喪敗者仁

貴於所監臨貪淫自恣雖矜所得不補所喪並請付法

司推科

喪息浪翻監古銜翻推科者推問而科處其罪

詔以功贖罪皆釋之以

右驍衛大將軍契苾何力為鐵勒道安撫使左衛將軍

姜恪副之以安輯其餘衆何力簡精騎五百馳入九姓

中虜大驚何力乃謂曰國家知汝皆脅從赦汝之罪罪

在酋長得之則已

酋慈由翻

其部落大喜共執其葉護及設

特勒等二百餘人以授何力何力數其罪而斬之

數所具翻

九姓遂定甲午車駕發東都辛亥幸蒲州夏四月庚

申朔至京師辛巳作蓬萊宮

蓬萊宮即大明宮亦曰東內程大昌曰大明宮

地本太極宮之後苑東北面射殿之地在龍首山上太宗初於其地營永安宮以備太上皇清暑雖嘗改名大明宮而太上皇仍居大安宮不曾徙入龍朔二年高宗苦風痺惡太極宮卑下故就修大明宮改名蓬萊宮取殿後蓬萊池以

為名作營造也

五月丙申以許圜師為左相

相息亮翻

六月乙丑初令僧尼道士女官致敬父母

尼女夷翻

秋七

月戊子朔赦天下

丁巳熊津都督劉仁願帶方州刺

史劉仁軌大破百濟於熊津之東拔真峴城初仁願仁

軌等屯熊津城

考異曰去歲道琛福信圍仁願於百濟府城今云尚在熊津城或者共是一

城不則圍解之後徙屯熊津城耳

上與之敕書以平壤軍回一城不可

獨固宜拔就新羅若金法敏籍卿留鎮宜且停彼若其
不須即宜泛海還也將士咸欲西歸仁軌曰人臣徇公
家之利有死無貳豈得先念其私主上欲滅高麗故先
誅百濟留兵守之制其心腹雖餘寇充斥而守備甚嚴
宜礪兵秣馬擊其不意理無不克既捷之後士卒心安
然後分兵據險開張形勢飛表以聞更求益兵朝廷知
其有成必命將出師聲援纔接凶醜自殲

將即亮翻
殲息慮翻非

直不棄成功實亦永清海表今平壤之軍既還能津又

拔拔謂拔軍就新羅或拔軍西還也

則百濟餘燼不日更興高麗逋寇

何時可滅且今以一城之地居敵中央苟或動足即為

擒虜縱入新羅亦為羈客脫不如意悔不可追況福信

凶悖殘虐君臣猜離行相屠戮正宜堅守觀變乘便取

之不可動也衆從之時百濟王豐與福信等以仁願等

孤城無援遣使謂之曰大使等何時西還當遣相送疏使

吏翻下同仁願仁軌知其無備忽出擊之拔其支羅城及尹

城大山沙井等柵殺獲甚衆分兵守之福信等以真峴

城險要加兵守之仁軌伺其稍懈引新羅兵夜傳城下

攀草而上比明入據其城

伺相吏翻懈古隘翻傳音

遂

通新羅運糧之路仁願乃奏請益兵詔發淄青萊海之

千人以赴熊津

史言劉仁軌能堅忍

同福信專權

百濟王豐浸相猜忌福信稱疾臥於窟室欲俟豐問

疾而殺之豐知之帥親信襲殺福信

果如劉仁軌所料帥請曰率

遣

使詣高麗倭國乞師以拒唐兵

倭鳥承翻

資治通鑑卷二百

欽定四庫全書

總校官庶吉士臣侍朝

校對官檢討臣龔大萬

謄錄監生臣杜成

欽定四庫全書薈要

史部

資治通鑑卷二百二

詳校官編修臣汪鏞



資治通鑑卷二百一

宋 司馬光 撰

胡三省 音註

唐紀十七

起玄默閏茂八月盡上
章敦祥凡八年有奇

高宗天皇大聖大弘孝皇帝中之上

龍朔二年八月壬寅以許敬宗為太子少師同東西臺

三品知西臺事

同中書門下三
品知中書事

九月戊寅初令八品

九品衣碧

衣於
既翻

冬十月丁酉上幸驪山溫湯太子監

國

監古
銜翻

丁未還宮

庚戌西臺侍郎陝人上官儀同東

西臺三品

西臺侍郎即中書
侍郎陝失冉翻

癸丑詔以四年正月有

事於泰山仍以來年二月幸東都

左相許圜師之子

奉輦直長自然遊獵犯人田

奉輦直長即尚輦直長殿
中六局直長正七品龍朔

改尚輦局為奉輦局
相息亮翻長知兩翻

田主怒自然以鳴鏑射之

射而
亦翻圜

師杖自然一百而不以聞田主詣司憲訟之司憲大夫

楊德裔不為治

治直
之翻

西臺舍人袁公瑜遣人易姓名上

封事告之

西臺舍人即中書舍人
為于偽翻上時掌翻

上曰圜師為宰相侵

陵百姓匿而不言豈非作威作福圉師謝曰臣備位樞

軸以直道事陛下不能悉允衆心故為人所攻訐

訐居
謁朝

至於作威福者或手握彊兵或身居重鎮臣以文吏奉
事聖明惟知閉門自守何敢作威福上怒曰汝恨無兵
邪許敬宗曰人臣如此罪不容誅遽令引出詔特免官

考異曰舊本紀十一月辛未圉師下獄新本紀十一月
辛未圉師貶虔州刺史今據實錄辛未免官久之貶虔
州刺史舊紀貶虔州刺史
在三年二月新本紀誤 癸酉立皇子旭輪為殷王

旭輪後改名
旦是為睿宗

十二月戊申詔以方討高麗百濟

麗力
知翻

河壯之民勞於征役其封泰山幸東都並停 颶海道

總管蘇海政

颶越筆翻

受詔討龜茲

龜茲音丘慈

敕興管亡繼往

絕二可汗發兵與之俱

可從刊入聲汗音寒

至興管亡之境繼往

絕素與興管亡有怨

事見上卷顯慶二年注

密謂海政曰彌射謀

反請誅之

阿史那彌射是為興管亡可汗

時海政兵纔數千集軍吏謀

曰彌射若反我輩無噍類

噍才突翻

不如先事誅之

先悉薦翻乃

矯稱敕令大總管齎帛數萬段賜可汗及諸酋長興管

亡帥其徒受賜海政悉收斬之其鼠尼施拔塞幹兩部

亡走

鼠尼施吸咄陸五部之一也拔塞幹侯斤弩失畢五部之一也舊唐書由翻長知兩翻帥讀曰率尼女

夷翻

海政與繼往絕追討平之軍還至踈勒南弓月部復

引吐蕃之衆來欲與唐兵戰海政以師老不敢戰以軍

資賂吐蕃約和而還由是諸部落皆以興昔亡為冤各

有離心繼往絕尋卒

復扶又翻卒子恤翻

十姓無主有阿史那都

支及李遮旬收其餘衆附於吐蕃

為都支遮旬連兵反張本

是歲

西突厥寇庭州刺史來濟將兵拒之

厥九勿翻將即亮翻

謂其衆

曰吾久當歿幸蒙存全以至今日當以身報國遂不釋

甲冑赴敵而死

三年春正月左武衛將軍鄭仁泰討鐵勒叛者餘種悉

平之

種章
勇翻

乙酉以李義府為右相

右相中
書令也

仍知選事

選須
絹翻

二月徙燕然都護府於回紇更名瀚海都護徙

故瀚海都護於雲中古城更名雲中都護

燕然都護置
於貞觀二十

一年見一百九十八卷瀚海都護置於永徽
元年見一百九十九卷燕因肩翻更工衡翻以磧為境

磧北州府皆隸瀚海磧南隸雲中

雲中都護府治金河
即秦漢雲中舊城東

北至朔州三百七十里麟德元年更名單于大都護府
杜佑曰單于都護府南至榆林郡百二十里東南到馬

邑郡三百五十里磧七逆翻

三月許圜師再貶虔州刺史

虔州在京師東

南四千一百七十里至東都三千四百里

楊德裔以阿黨流庭州圜師子文

思自然並免官

右相河間郡公李義府典選

選須特絹翻

中宮之勢專以賣官為事銓綜無次怨讟盈路上頗聞

之從容謂義府曰卿子及壻頗不謹多為非法我尚為

卿掩覆卿宜戒之

從千容翻為于偽翻覆數人翻

義府勃然變色頸頰

俱張

張知亮翻

曰誰告陛下上曰但我言如是何必就我索

其所從得邪

索山各翻

義府殊不引咎緩步而去上由是不

悅望氣者杜元紀謂義府所居第有獄氣宜積錢二十

萬緡以厭之

厭於
協翻

義府信之聚斂尤急

斂力
贍翻

義府居母

喪朔望給哭假

假古
訝翻

輒微服與元紀出城東登古塚候

望氣色或告義府窺覘災眚陰有異圖

覘丑廉翻人丑
艷翻青所景翻

又遣其子右司議郎津召長孫無忌之孫延受其錢七

百緡除延司津監

唐東宮司議郎四人正六品上掌啟
奏記注龍朔改司議郎為左司議郎

太子舍人為右司議郎漢官有都水長屬主爵掌諸池
沼後改為使者後漢改為河隄謁者晉置都水臺有使
者一人掌舟楫之事梁改為太舟卿北齊亦曰都水臺
隋改為都水監唐因之貞觀改為使者從六品龍朔元

年改為司津監掌右金吾倉曹參軍楊行穎告之夏四
川澤津梁之政令

月乙丑下義府獄

下選嫁翻

遣司刑太常伯劉祥道與御史

詳刑共鞫之

司刑太常伯即刑部尚書詳刑大理也唐自永徽以後大獄以尚書刑部御史臺大

理寺官雜按謂之三司

仍命司空李勣監焉

監古御翻

事皆有實戊子

詔義府除名流雋州津除名流振州諸子及壻並除名

流庭州朝野莫不稱慶

雋音髓朝直遙翻

或作河間道行軍元

帥劉祥道破銅山大賊李義府露布

李義府河間人故云然帥所類翻

榜之通衢義府多取人奴婢及敗各散歸其家故其露

布云混奴婢而亂放各識家而競入

此姑述時人快義府之得罪而有是

通鑑因采而誌之以為世鑒學者為文類有所祖漢高帝為太上皇營新豐後人誌其事其辭云混雞犬而亂放各識家而競入此語所祖有自來矣

乙未置鷄林大都督府於新羅

國以金法敏為之

丙午蓬萊宮含元殿成上始移仗

居之更命故宮曰西內

故宮謂太極宮自武德以來人主居之自是以後謂之西內更

工衙

戊申始御紫宸殿聽政

蓬萊宮正殿曰含元殿含元之後曰宣政殿宣政殿

北曰紫宸門內有紫宸殿即內衙之正殿

五月壬午柳州蠻酋吳君解反

柳州漢潭中縣地隋置馬平縣唐武德四年置南昆州貞觀八年改曰柳州

遣冀州長史劉

伯英右武衛將軍馮士翽發嶺南兵討之

翽呼
外翻

吐蕃

與吐谷渾互相攻各遣使上表論曲直更來求援

吐從
敬入

聲谷音浴使疏吏翻上
時掌翻更工衛翻迭也

上皆不許吐谷渾之臣素和貴

有罪逃奔吐蕃具言吐谷渾虛實吐蕃發兵擊吐谷渾

大破之吐谷渾可汗曷鉢與弘化公主帥數千帳奔國

走依涼州請徙居內地

唐會要曰吐谷渾自永嘉之末
始西度洮水建國於羣羌之故

地龍朔三年為吐蕃所滅凡
三百五十年帥讀曰率下同

上以涼州都督鄭仁泰為

青海道行軍大總管帥右武衛將軍獨孤卿雲辛文陵

等分屯涼鄯二州以備吐蕃

鄯時戰鬪涼鄯相去五百八十里

六月戊

申又以左武衛大將軍蘇定方為安集大使節度諸軍

為吐谷渾之援吐蕃祿東贊屯青海遣使者論仲琮入

見

吐蕃立國之初有大論小論以統國事後因以為貴姓見賢通翻

表陳吐谷渾之罪

且請和親上不許遣左衛郎將劉文祥使于吐蕃降璽

書責讓之

將即亮翻璽斯氏翻

秋八月戊申上以海東累歲用

兵百姓困於征調

調徒弔翻

士卒戰溺死者甚衆

溺奴翻詔罷

三十六州所造船遣司元太常伯竇德立等

司元太常伯即戶部

尚分詣十道問人疾苦黜陟官吏德立殺之曾孫也實

太穆皇
后之父

九月戊午熊津道行軍總管右威衛將軍孫

仁師等破百濟餘衆及倭兵於白江拔其周留城

倭鳥
禾翻

初劉仁願劉仁軌既克真峴城

克真峴城見
上卷二年

詔孫仁師

將兵浮海助之

將即亮
翻下同

百濟王豐南引倭人以拒唐兵

仁師與仁願仁軌合兵執大振諸將以加林城水陸之

衝欲先攻之仁軌曰加林險固急攻則傷士卒緩之則

曠日持久周留城虜之巢穴羣凶所聚除惡務本

書泰
誓之

言宜先攻之若克周留諸城自下於是仁師仁願與新

羅王法敏將陸軍以進仁軌與別將杜爽扶餘隆將水

軍及糧船自熊津入白江以會陸軍同趣周留城

起七喻翻

遇倭兵於白江口四戰皆捷焚其舟四百艘烟炎灼天

艘蘇遭翻海水皆赤百濟王豐脫身奔高麗王子忠勝

炎讀曰燄

忠志等帥衆降

帥讀曰率下之帥皆帥同降戶江翻下同

百濟盡平唯別帥

遲受信據任存城不下

帥所類翻初

百濟西部人黑齒

常之長七尺餘驍勇有謀略

長直亮翻

仕百濟為達率

驍堅堯翻

兼郡將猶中國刺史也

新羅官有十六品左平一品達率二品五方各有方領一人以

達率為之方有十郡郡有將三人以德率為之德率四品百濟置官蓋與新羅略同也率所類翻

蘇定

方克百濟常之帥所部隨衆降定方繫其王及太子縱兵劫掠壯者多歿常之懼與左右十餘人遁歸本部收集亡散保任存山結柵以自固旬月間歸附者三萬餘人定方遣兵攻之常之拒戰唐兵不利常之復取二百

餘城

復扶又翻

定方不能克而還

還從宜翻又如字

常之與別部將

沙吒相如

沙吒夷人複姓沙吒陟加翻

各據險以應福信百濟既敗皆

帥其衆降劉仁軌使常之相如自將其衆取任存城仍以糧仗助之孫仁師曰此屬獸心何可信也仁軌曰吾觀二人皆忠勇有謀敦信重義但鄉者所託未得其人今正是其感激立效之時不用疑也遂給其糧仗分兵隨之攻拔任存城遲受信弃妻子奔高麗詔劉仁軌將兵鎮百濟召孫仁師劉仁願還百濟兵火之餘比屋彫殘比必翻又毗至翻僵尸滿野仁軌始命瘞骸骨籍戶口理村聚署官長通道塗立橋梁補隄堰復陂塘課耕桑賑貧

乏養孤老立唐社稷頒正朔及廟諱

卒如仁軌之志所謂有志者事竟成

也僮居良翻瘞於計翻長知兩翻賑津忍翻

百濟大悅闔境各安其業然後

修屯田儲糗糧訓士卒以圖高麗

糗去九翻

劉仁願至京師

上問之曰卿在海東前後奏事皆合機宜復有文理

復扶

又翻卿本武人何能如是仁願曰此皆劉仁軌所為非臣

所及也上悅加仁軌六階

勳有級官有階

正除帶方州刺史為

築第長安厚賜其妻子遣使齎璽書勞勉之

為于偽翻使疏吏翻

勞力到翻上官儀曰仁軌遭黜削而能盡忠

黜削謂白衣仁從軍自効也

願秉節制而能推賢皆可謂君子矣 冬十月辛巳朔

詔太子每五日於光順門內視諸司奏事

唐六典大明宮紫宸殿內

朝正殿也殿之南面曰紫宸門左曰崇明門右曰光順門其事之小者皆委太子決

之 十二月庚子詔改來年元 壬寅以安西都護高

賢為行軍總管將兵擊弓月以救于闐 是歲大食擊

波斯拂菻破之

拂菻古大秦國也居西海上一曰海西國去京師四萬里北直突厥可薩部西

瀕海東南接波斯杜佑曰大秦前漢犁軒國也蘇力錦翻又力羯翻類篇曰佛抹

南侵婆羅門

吞滅諸蕃勝兵四十餘萬

勝音升

麟德元年

去年絳州麟見又含元殿前麟趾見於是改元

春正月甲子改雲中

都護府為單于大都護府以殷王旭輪為單于大都護

單音蟬

初李靖破突厥

見一百九十三卷太宗貞觀四年厥九勿翻

遷三百帳

于雲中城阿史德氏為之長

長知兩翻

至是部落漸衆阿史

德氏詣闕請如其法立親王為可汗以統之上召見謂

曰今之可汗古之單于也故更為單于都護府

更工衛翻改也

而使殷王遙領之 二月戊子上行幸萬年宮

永徽二年改九

成宮為萬年宮

夏四月壬子衛州刺史道孝王元慶薨 丙

午魏州刺史郇公孝協坐賊賜死司宗卿隴西王博义

奏孝協父叔良死王事

司宗卿即宗丘卿叔良太祖之孫高祖時叔良擊突厥中流矢

亮郇音荀孝協無兄弟恐絕嗣上曰畫一之法不以親疎異

制

漢書云蕭何為法講若畫一注云畫一言整齊也

荀害百姓雖皇太子亦所

不赦孝協有一子何憂乏嗣乎孝協竟自盡於第 五

月戊申朔遂州刺史許悼王孝亮

孝上子也後宮所生

乙卯於

昆明之弄棟川置姚州都督府

劉昫曰漢益州郡之雲南縣古滇國後漢屬永

昌郡蜀劉氏分永昌為建寧郡又分永昌建寧置雲南
郡而治于弄棟晉改為晉寧郡又置寧州武德四年安

撫大使李英以此川人多姓姚故置姚州今陞置都督府管州三十二

秋七月丁未朔

詔以三年正月有事於岱宗 八月丙子車駕還京師

幸舊宅

舊宅帝為晉王時所居也

留七日壬午還蓬萊宮 丁亥以

司列太常伯劉祥道兼右相

司列太常伯即吏部尚書

大司憲竇德

玄為司元太常伯檢校左相

太府憲即御史大夫司元太常伯即戶部尚書左相

即侍中

冬十月庚辰檢校熊津都督劉仁軌上言

上時掌翻臣

伏覩所存戍兵疲羸者多勇健者少

羸倫為翻少詩沼翻

衣服貧

敝唯思西歸無心展效臣問以往在海西見百姓人人

應募爭欲從軍或請自辦衣糧謂之義征何為今日士

卒如此咸言今日官府與曩時不同人心亦殊曩時東

西征役身沒王事並蒙敕賜弔祭

使疏吏翻

追贈官爵或以

死者官爵回授子弟凡度遼海者皆賜勲一轉自顯慶

五年以來征人屢經度海官不紀錄其死者亦無誰

何

誰何問也問其為誰緣何而死也

州縣每發百姓為兵其壯而富者

行錢參逐皆亡匿得免

謂州縣官發人為兵其吏卒之參陪隨逐者富民行錢與之相

為掩蔽得以亡匿按元和四年御史臺奏此來常參官入光範門及中書省所將參從人數頗多參從猶參逐

也貧者身雖老弱被發即行頃者破百濟及平壤苦戰

破百濟見上卷顯慶五年平壤

當時將帥號令許以勲

苦戰見龍朔二年被皮義翻

賞無所不至及達西岸惟聞枷鎖推禁奪賜破勲州縣

追呼無以自存公私困弊不可悉言以是昨發海西之

日已有逃亡自殘者非獨至海外而然也又本因征役

授勲級以為榮寵而比年出征皆使勲官挽引

比毗至翻挽引

謂挽引勞苦與白丁無殊百姓不願從軍率皆由此臣

又問曩日士卒留鎮五年尚得支濟今爾等始經一年

何為如此單露咸言初發家日惟令備一年資裝今已

二年未有還期臣檢校軍士所留衣今冬僅可充事來

秋以往全無準擬陛下留兵海外欲殄滅高麗百濟高

麗舊相黨援倭人雖遠亦共為影響若無鎮兵還成一

國今既資戍守又置屯田所藉士卒同心同德而衆有

此議何望成功自非有所更張厚加慰勞

董仲舒曰琴瑟不調必改

而更張之更工
衡翻勞力到翻

明賞重罰以起士心若止如今日以前

處置恐師衆疲老立效無日逆耳之事或無人為陛下

盡言

處昌呂翻
為于偽翻

故臣披露肝膽昧死奏陳上深納其言

遣右威衛將軍劉仁願將兵渡海以代舊鎮之兵

將即
亮翻

仍敕仁軌俱還仁軌謂仁願曰國家懸軍海外欲以經

略高麗其事非易

易以
鼓翻

今收穫未畢而軍吏與士卒一

時代去軍將又歸

將即亮翻
下軍將同

番人新服衆心未安必將

生變不如且留舊兵漸令收穫辦具資糧節級遣還

節級

猶今人言
節次也

軍將且留鎮撫未可還也仁願曰吾前還海

西大遭讒謗云吾多留兵衆謀據海東幾不免禍

幾居
希翻

今日唯知准敕

准與準同本朝寇準為相省吏避其名凡文書準字皆去十後遂因而不改

豈敢擅有所為仁軌曰人臣苟利於國知無不為豈恤

其私乃上表陳便宜

上時掌翻

自請留鎮海東上從之仍以

扶餘隆為熊津都尉

考異曰實錄作熊津都督按時劉仁軌檢校熊津都督豈可復以隆

為之明年實錄稱熊津都尉扶餘隆與金法敏盟今從之

使招輯其餘衆初武后

能屈身忍辱奉順上意故上排羣議而立之及得志專

作威福上欲有所為動為后所制上不勝其忿有道士

郭行真出入禁中嘗為厭勝之術

勝音升厭於協翻又於琰翻

宦者

王伏勝發之上大怒密召西臺侍郎同東西臺三品上官儀議之儀因言皇后專恣海內所不與請廢之上意亦以為然即命儀草詔左右奔告于后后遽詣上自訴詔草猶在上上所上羞縮不忍復待之如初復扶又翻猶恐后怨怒因紿之曰我初無此心皆上官儀教我儀先為陳

王諮議與王伏勝俱事故太子忠

忠自陳王立為皇太子王府諮議參軍正

五品上掌討謨左右

后於是使許敬宗誣奏儀伏勝與忠謀大逆

十二月丙戌儀下獄

下遐嫁胡

與其子庭芝王伏勝皆死籍

沒其家戊子賜忠死于流所

顯慶五年忠徙黔州

右相劉祥道坐

與儀善罷政事為司禮太常伯

司禮太常伯即禮部尚書

左肅機鄭

欽泰等

左肅機即尚書左丞

朝士流貶者甚衆皆坐與儀交通故

也

朝直遂翻

自是上每視事則后垂簾於後政無大小皆與

聞之

與請曰預

天下大權悉歸中宮黜陟殺生決於其口天

子拱手而已中外謂之二聖

考異曰唐歷羣臣朝謁萬方表奏皆呼為二聖帝

坐于東間后坐于西間后隨其愛憎生殺在口按武后雖悍戾豈得高宗尚在與高宗對坐受羣臣朝謁乎恐

不至此今從實錄

太子右中護檢校西臺侍郎樂彥璋

龍朔改左

右庶子為
左右中護

西臺侍郎孫處約並同東西臺三品

二年春正月丁卯吐蕃遣使入見請復與吐谷渾和親

見賢遍翻
後扶又翻

仍求赤水地畜牧

即河源之赤水也本
吐谷渾地畜牧吁玉翻

上不

許二月壬午車駕發京師丁酉至合璧宮上語及

隋煬帝謂侍臣曰煬帝拒諫而亡朕常以為戒虛心求

諫而竟無諫者何也李勣對曰陛下所為盡善羣臣無

得而諫

褚遂良韓瑗之死不唯拒諫且殺諫者矣群臣
誰敢復諫乎李勣獻諛以苟利祿而不知凶于

其家三月甲寅以兼司戎大常伯姜恪同東西臺三品

恪寶誼之子也

司戎太常伯即兵部尚書姜寶誼從高祖起兵於太原

辛未東都

乾元殿成

乾元殿洛陽宮正殿也武后垂拱四年毀為明堂

閏月壬申朔車駕

至東都

踈勒弓月引吐蕃侵于闐敕西州都督崔知

辯左武衛將軍曹繼叔將兵救之

將即亮翻考異曰實錄作西州都督按

於時未有西川之名必西州也

夏四月戊辰左侍極陸敦信

龍朔改左右散

騎常侍為左右侍極

檢校右相

句斷

西臺侍郎孫處約太子右中護

檢校西臺侍郎樂彥瑋並罷政事

處昌呂翻

祕閣郎中李

淳風

龍朔改太史局為祕閣局令為郎中丞為郎

以傅仁均戊寅歷推步浸

疎乃增損劉焯皇極歷

戊寅歷始行凡一百八十七卷高祖武德二年隋時劉焯造甲

子元歷謂之皇極歷為張賓所撰不得行焯之若翻

更撰麟德歷五月辛卯行之

更工衡翻

秋七月己丑兗州都督鄧康王元裕薨上命

熊津都尉扶餘隆與新羅王法敏釋去舊怨

去羌呂翻

八月

壬子同盟于熊津城劉仁軌以新羅百濟耽羅倭國使

者浮海西還

耽羅國一曰伽羅居新羅武州南島上初附百濟後附新羅

會祠泰山

高麗亦遣太子福男來侍祠冬十月癸丑皇后表稱

封禪舊儀祭皇地祇太后昭配而令公卿行事禮有未

安至日妾請帥內外命婦奠獻

內命婦自三妃至采女以備古者三夫人九嬪

二十七世婦八十一御妻又有六尚二十四司二十四典二十四掌龍朔二年又置贊德宣徽承恩承旨衛仙供奉侍御侍巾亦分為九品皆內官也外命婦皇姑封大長公主皇姊妹封長公主皇女封公主皇太子之女封郡主王之女封縣主王母妻為妃一品及國公母妻為國夫人三品以上母妻為郡夫人五品勳官三品封母妻為縣君散官並同職事勳官四品封母妻為鄉君其母並加太字各視其夫子之品

詔禪社首

以皇后為亞獻

兗州博城縣有社首山

越國太妃燕氏為終獻

燕氏

越王貞之母蓋太宗妃嬪此時唯燕氏在也燕因肩鉅

壬戌詔封禪壇所設上帝

后土位先用葉結陶匏等

結古照訓

並宜改用茵褥罍爵其

諸郊祀亦宜準此文詔自今郊廟享宴文舞用功成慶

善之樂武舞用神功破陳之樂

陳讀曰陣

丙寅上發東都從

駕文武儀仗數百里不絕

從才用翻

列營置幕彌亘原野東

自高麗西至波斯烏長諸國

自吐火羅踰五種至婆羅覩邏北踰山行六百里得

烏長國長讀曰莖

朝會者各帥其屬扈從穹廬毳幕牛羊駝馬

填咽道路時比歲豐稔

朝直遙翻帥讀曰率從才用翻比毗至翻

米斗至五

錢麥豆不列于市十一月戊子至上至濮陽

濮陽額頊之墟春秋

衛成公自楚丘徙此漢為濮陽縣帶東郡晉分為濮陽郡隋為縣屬滑州唐屬濮州濮博木翻

竇德玄

騎從

騎奇寄翻
從才用翻

上問濮陽謂之帝丘何也德玄不能對

許敬宗自後躍馬而前曰昔顓頊居此故謂之帝丘上

稱善敬宗還謂人曰大臣不可以無學吾見德玄不能

對心實羞之德玄聞之曰人各有能有不能吾不強對

以所不知此吾所能也

強其
兩翻

李勣曰敬宗多聞信美矣

德玄之言亦善也壽張人張公藝九世同居

壽張縣前
漢曰壽良

屬東郡光武改壽張屬東
平國隋屬濟州唐屬鄆州

齊隋唐皆旌表其門上過壽

張幸其宅問所以能共居之故公藝書忍字百餘以進

上善之賜以縑帛十二月丙午車駕至齊州留十日丙辰發靈巖頓至泰山下有司於山南為圓壇山上為登封壇社首山上為降禪方壇

乾封元年春正月戊辰朔上祀昊天上帝于泰山南己巳登泰山封玉牒上帝冊藏以玉匱配帝冊藏以金匱皆纏以金繩封以金泥印以玉璽藏以石碣

璽斯氏翻碣古禪翻

庚午降禪于社首祭皇地祇上初獻畢執事者皆趨下宦者執帷皇后升壇亞獻帷帟皆以錦繡為之

周禮注在旁曰

惟在上曰帝帝愷中
座上承座也帝音亦

酌酒實俎豆登歌皆用宮人壬申

上御朝覲壇受朝賀

朝直遙
翻下同

赦天下改元文武官三品

已上賜爵一等四品已下加一階先是階無泛加皆以

勞考叙進至五品三品仍奏取進止

先悉
薦翻

至是始有泛

階比及末年服緋者滿朝矣

比必
利翻

時大赦惟長流人不

聽還李義府憂憤發病卒

龍朔三年李
義府流高州

自義府流竄朝

士日憂其復入及聞其卒衆心乃安

復扶又翻
卒子恤翻

丙戌車

駕發泰山辛卯至曲阜

曲阜魯侯伯禽所都應劭云曲
阜在魯城中委曲長七八里隋

始置曲阜縣屬兗州

贈孔子太師以少牢致祭

少詩照翻

癸未至亳州

謁老君廟

亳州谷陽縣漢苦縣也有老子祠是年改為真源縣亳州至東都八百九十八里

上

尊號曰太上玄元皇帝丁丑至東都留六日甲申幸合

璧宮夏四月甲辰至京師

東都至京師八百五十里

謁太廟

庚戌

左侍極兼檢校右相陸敦信以老疾辭職拜大司成兼

左侍極罷政事

大司成即國子祭酒

五月庚寅鑄乾封泉寶錢

一當十俟期年盡廢舊錢

期讀日替

高麗泉蓋蘇文卒長

子男生代為莫離支

卒子恤翻長知兩翻

初知國政出巡諸城使

其弟男建男產知留後事或謂二弟曰男生惡二弟之

逼

惡鳥路翻

意欲除之不如先為計二弟初未之信又有告

男生者曰二弟恐兄還奪其權欲拒兄不納男生潛遣

所親往平壤伺之

伺相吏翻

二弟收掩得之乃以王命召男

生男生懼不敢歸男建自為莫離支發兵討之男生走

保別城使其子獻誠詣闕求救六月壬寅以左驍衛大

將軍契必何力為遼東道安撫大使將兵救之以獻誠

為右武衛將軍使為鄉導

契欺訖翻必叱必翻大使疏吏翻將即亮翻鄉讀曰嚮

又以右金吾衛將軍龐同善營州都督高侃為行軍總管同討高麗 秋七月乙丑朔徙殷王旭輪為豫王以大司憲兼檢校太子左中護劉仁軌為右相初仁軌為給事中按畢正義事

事見上卷顯慶元年

李義府怨之出為青州

刺史會討百濟仁軌當浮海運糧時未可行

海行非遇順風不可

義府督之遭風失船丁夫溺死甚衆命監察御史袁異

式往鞠之

溺奴狄翻監古銜翻

義府謂異式曰君能辦事不憂無

官異式至謂仁軌曰君與朝廷何人為讐宜早自為計

仁軌曰仁軌當官不職國有常刑公以法斃之無所逃

命若使遽自引決以快讐人竊所未甘乃具獄以聞異

式將行仍自掣其鎖

恐鎖不入黃行後得私開之也掣昌列翻

獄上

上時掌翻

義

府言於上曰不斬仁軌無以謝百姓舍人源直心曰海

風暴起非人力所及上乃命除名以白衣從軍自效

事見

上卷顯慶五年

義府又諷劉仁願使害之仁願不忍殺及為大

司憲異式懼不自安仁軌瀝觴告之曰仁軌若念疇昔

之事有如此觴仁軌既知政事異式尋遷詹事丞

詹事丞正

六品
上
時論紛然仁軌聞之遽薦為司元大夫

司元大夫即戶部郎

中
監察御史杜易簡謂人曰

易以鼓翻

斯所謂矯枉過正矣

八月辛丑司元大常伯兼檢校左相竇德玄薨初

武士護娶相里氏

護一號翻相息亮翻

生男元慶元奐又娶楊氏

生三女長適越王府法曹賀蘭越石

長知西翻

次皇后次適

郭孝慎士護卒元慶元奐及士護兄子惟良懷運皆不

禮於楊氏楊氏深銜之越石孝慎及孝慎妻並早卒越

石妻生敏之及一女而寡后既立楊氏號榮國夫人越

石妻號韓國夫人

唐制國夫人位一品

惟良自始州長史超遷司

衛少卿

司衛少卿即衛尉少卿

懷運自瀛州長史遷淄州刺史元

慶自右衛郎將為宗正少卿

此時已改宗正為司宗

元奭自安州

戶曹累遷少府少監

此時已改少府監為內府監

榮國夫人嘗置酒

謂惟良等曰頗憶疇昔之事乎今日之榮貴復何如對

曰惟良等幸以功臣子弟早登宦籍揣分量才不求貴

達豈意以皇后之故曲荷朝恩夙夜憂懼不為榮也

復扶

又翻分扶問翻荷下可翻朝直遙翻

榮國不悅皇后乃上疏請出惟良等

為遠州刺史

上時字訓

外示謙抑實惡之也

惡鳥路翻下后惡同

於是

以惟良檢校始州刺史元慶為龍州刺史元奐為濠州

刺史

龍州古江油秦漢曹魏為無人之地鄧艾伐蜀由陰平景谷行無人之地七百里始至江油晉置陰

平郡於此置平武縣至梁有楊李二姓大數分據其地

後魏平蜀置龍州濠州漢鍾離縣地晉安帝分置鍾離

郡梁置北徐州後齊曰西楚州隋開皇二年改曰濠州

唐曰濠州始州至京師一千六百六十二里至東都二

千五百六十里龍州至京師二千六百六十里東都三

千一百一十五里濠州至京師二千一百五十里東都

一千三百一十三里

元慶至州以憂卒

卒子恤訓下同

元奐坐事流振州

而死韓國夫人及其女以后故出入禁中皆得幸於上

韓國尋卒其女賜號魏國夫人上欲以魏國為內職心

難后未決后惡之會惟良懷運與諸州刺史詣泰山朝

覲從至京師惟良等獻食

朝直遙翻從才用翻
曰舊傳云后謁上幸楊氏宅

考異

惟良等獻食
今從實錄

后密置毒醢中使魏國食之暴卒因歸罪

於惟良懷運丁未誅之改其姓為蝮氏懷運兄懷亮早

卒其妻善氏尤不禮於榮國坐惟良等没入掖庭榮國

令后以他事束棘鞭之肉盡見骨而死 九月龐同善

大破高麗兵泉男生帥衆與同善合詔以男生為特進

遼東大都督兼平壤道安撫大使封玄菟郡公

帥讀曰率使疏

吏翻下同
菟同都翻

戊子金紫光祿大夫致仕廣平宣公劉祥

道薨子齊賢嗣齊賢為人方正上甚重之為晉州司馬

將軍史興宗嘗從上獵苑中因言晉州產佳鷄劉齊賢

今為司馬請使捕之上曰劉齊賢豈捕鷄者邪

鷄弋照翻

卿

何以此待之冬十二月己酉以李勣為遼東道行軍

大總管以司列少常伯安陸郝處俊副之

安陸縣漢屬江夏郡宋分

屬安陸郡隋唐屬安州處昌呂翻

以擊高麗龐同善契苾何力並為遼

東道行軍副大總管兼安撫大使如故其水陸諸軍總

管并運糧使竇義積獨孤卿雲郭待封等並受勅處分

處昌呂翻
分扶問翻

河北諸州租賦悉詣遼東給軍用待封孝恪

之子也

邦孝恪事太宗
戰死於龜茲

勅欲與其婿京兆杜懷恭偕行

以求勲效懷恭辭以貧勸贍之後辭以無奴馬

贍昌詔
翻下同

復扶
又翻

又贍之懷恭辭窮乃亡匿岐陽山中謂人曰公欲

以我立法耳勸聞之流涕曰杜郎疎放

今人猶呼
婿為郎

此或

有之乃止

二年春正月上耕藉田有司進耒耜加以彫飾上曰耒

耜農夫所執豈宜如此之麗命易之耒耜既而耕之九

推乃止耕籍之制月令及鄭玄注周禮皆云天子三推
盧植注禮記曰天子耕籍一發九推耒此用盧

說也推自行乾封泉寶錢穀帛踊貴商賈不行賈音

癸未詔罷之 二月丁酉涪陵悼王愔薨愔上弟也涪
音浮愔於今

翻辛丑復以萬年宮為九成宮永徽二年改九成宮
為萬年宮復扶又翻

又如生羗十二州為吐蕃所破三月戊寅悉罷之

上屢責侍臣不進賢衆莫敢對司列少常伯李安期對

曰天下未嘗無賢亦非羣臣敢蔽賢也

司列少常伯即吏部侍郎少始

照比來公卿有所薦引為讒者已指為朋黨滯淹者未

獲伸而在位者先獲舉是以各務杜口耳陛下果推至

誠以待之其誰不願舉所知此在陛下非在羣臣也上

深以為然安期百樂之手也

李百樂德林之子比毗至細

夏四月

乙卯西臺侍郎楊弘武戴至德正諫大夫兼東臺侍郎

李安期東臺舍人昌樂張文瓘司列少常伯兼正諫大

夫河北趙仁本並同東西臺三品

龍朔改給事中為東臺舍人諫議大夫為

正諫大夫
樂音洛

弘武素之弟子

楊素仕隋貴顯

至德胄之兄子也

戴胄

相太

時造蓬萊上陽合璧等宮

上陽宮在洛陽宮城之西南隅南臨洛水西距

殺水東即宮城北連禁苑宮內正門正殿皆東向正門曰提象正殿曰觀風其內別殿亭觀九所上陽之西隅殺水有西上陽宮虹梁跨殺行幸往來

頻征伐四裔廐馬萬匹倉庫漸虛

張文瓘諫曰隋鑒不遠願勿使百姓生怨上納其言減

廐馬數千匹 秋八月己丑朔日有食之 辛亥東臺

侍郎同東西臺三品李安期出為荊州長史

荊州京師東南一千

七百三十里至東都一千三百三十五里宋白曰荊州秦南郡地漢為臨江國江左置荊州以為重鎮擬周之

分陝唐為大都督府

九月庚申上以久疾命太子弘監國

監古街翻

辛未李勣拔高麗之新城使契苾何力守之勣初度

遼謂諸將曰新城高麗西邊要害不先得之餘城未易

取也

易以鼓翻

遂攻之城人師夫仇等縛城主開門降

降戶江翻

勣引兵進擊一十六城皆下之麗同善高侃尚在新城

泉男建遣兵襲其營左武衛將軍薛仁貴擊破之侃進

至金山與高麗戰不利高麗乘勝逐北仁貴引兵橫擊

大破之斬首五萬餘級

新書作斬五千

拔南蘇木底蒼巖三

城

三城後皆置為州

與泉男生軍合郭待封以水軍自別道趣

平壤勅遣別將馮師本載糧仗以資之

趣七喻翻將即亮翻

師本

船破失期待封軍中飢窘欲作書與勅恐為虜所得知

其虛實乃作離合詩以與勅

離合詩離析字畫合之成文以見其意

勅怒

曰軍事方急何以詩為必斬之行軍管記通事舍人元

萬頃為釋其義

管記字軍中書檄為子偽翻

勅乃更遣糧仗赴之萬

頃作檄高麗文曰不知守鴨綠之險泉男建報曰謹聞

命矣即移兵據鴨綠津唐兵不得度上聞之流萬頃於

嶺南郝處俊在高麗城下未及成列高麗奄至軍中大

駭處俊據胡床方食乾糲

胡床即今之交床
乾音干糲音備

潛簡精銳

擊敗之

敗補
邁翻

將士服其膽略

冬十二月甲午詔自今

祀昊天上帝五帝皇地祇神州地祇並以高祖太宗配

仍合祀昊天上帝五帝於明堂

北兼用貞觀
顯慶之禮

是歲海

南獠陷瓊州

瓊州本隋朱崖郡之瓊山縣
貞觀五年置瓊州獠魯皓翻

總章元年

以將作明堂改元
是年三月方改元

春正月壬子以右相劉仁

軌為遼東道副大總管

二月壬午李勣等拔高麗扶

餘城

扶餘國之故墟
故城存其名

薛仁貴既破高麗於金山乘勝將

三千人將攻扶餘城諸將以其兵少止之仁貴曰兵不

在多顧用之何如耳遂為前鋒以進與高麗戰大破之

殺獲萬餘人遂拔扶餘城扶餘川中四十餘城皆望風

請服侍御史洛陽賈言忠奉使自遼東還

使疏
史翻

上問以

軍事言忠對曰高麗必平上曰卿何以知之對曰隋煬

帝東征而不克者人心離怨故也

事見隋
煬帝紀

先帝東征而

不克者高麗未有變也

事見太宗
紀
豐許觀翻

今高藏微弱權臣

擅命蓋蘇文死男建兄弟內相攻奪男生傾心內附為

我鄉導

鄉讀
日細

彼之情偽靡不知之以陛下明聖國家富

彊將士盡力以乘高麗之亂其勢必克不俟再舉矣且

高麗連年飢饉妖異屢降

妖於
喬翻

人心危駭其亡可翹足

待也上又問遼東諸將孰賢

謂征遼東
之諸將也

對曰薛仁貴勇

冠三軍龐同善雖不善鬪而持軍嚴整高侃勤儉自處

忠果有謀契必何力沈毅能斷雖頗忌前

冠古玩翻處
昌呂翻沈持

林翻斷丁亂翻忌
前忌人在已前也

而有統御之才然夙夜小心忘身憂

國皆莫及李勣也上深然其言泉男建復遣兵五萬人

救扶餘城

復扶天翻

與李勣等遇於薛賀水

新書作薛賀水

合戰大

破之斬獲三萬餘人進攻大行城拔之

朝廷議明堂

制度略定三月庚寅赦天下改元 戊寅上幸九成宮

夏四月丙辰彗星見于五車

五車五星五帝車舍也五帝坐也主天子五兵

一曰主五穀豐耗西北大星曰天庫主太白金主秦次東北曰獄主辰星主燕趙次東星曰天倉主歲星主魯衛次東南曰司空主填星主楚次西南曰卿星主災惑主觀五星有變皆以其所占之據舊紀五車在昴畢間見賢遍翻下同

彗祥歲翻

上避正殿減常膳撤樂許敬宗等奏請復

常曰彗見東北高麗將滅之兆也上曰朕之不德謫見

于天豈可歸咎於外且高麗百姓亦朕之百姓也不許

戊辰彗星滅 辛巳西臺侍郎同東西臺三品楊弘武

薨 八月辛酉卑列道行軍總管右威衛將軍劉仁願

坐征高麗逗留流姚州 癸酉車駕還京師 九月癸

巳李勣拔平壤勣既克大行城諸軍出它道者皆與勣

會進至鴨綠柵高麗發兵拒戰勣等奮擊大破之追奔

二百餘里拔辱夷城諸城遁逃及降者相繼

降戶江
翻下同

契

必何力先引兵至平壤城下勸軍繼之圍平壤月餘高

麗王藏遣泉男產帥首領九十八人持白幡詣勸降勸

以禮接之

帥讀曰率

泉男建猶閉門拒守頻遣兵出戰皆敗

男建以軍事委僧信誠信誠密遣人詣勸請為內應後

五日信誠開門勸縱兵登城鼓譟焚城四月

月當作角否則作同

男建自刺不死

刺七亦翻

遂擒之高麗悉平

冬十月戊午

以烏茶國婆羅門盧迦逸多為懷化大將軍

烏茶國一曰烏義直

天竺南東距勃律六百里西到賓四百里婆羅門僧也唐置懷化大將軍從三品以授蕃官

逸多自

言能合不死藥

合音閏

上將餌之東臺侍郎郝處俊諫曰

修短有命非藥可延貞觀之末

觀古玩翻

先帝服那羅邇娑

婆寐藥竟無效大漸之際名醫不知所為議者歸罪娑

婆寐將加顯戮恐取笑外蕃而止

娑婆寐事見上卷顯慶二年

前鑒

不遠願陛下深察上乃止

李勣將至上命先以高藏

等獻于昭陵具軍容奏凱歌入京師獻于太廟十二月

丁巳上受俘于含元殿

東內正殿曰含元殿唐六典曰含元殿即龍首山之東趾階上

高於平地四十餘尺南去丹鳳門四百餘步東西廣五百步殿前五階三級每級引出一螭頭其下為龍尾道

委蛇屈曲
凡七轉

以高藏政非已出赦以為司平太常伯負外

同正

司平太常伯即工部尚書按舊書永徽五年尚藥奉御蔣孝璋負外特置仍同正員員外同正自此

始

以泉男產為司宰少卿

司宰少卿即光祿少卿

僧信誠為銀青

光祿大夫泉男生為右衛大將軍李勣以下封賞有差

泉男建流黔中

黔音琴

扶餘豐流嶺南分高麗五部百七

十六城六十九萬餘戶為九都督府四十二州

新城州遼城州

哥勿州衛樂州舍利州居素州越喜州去旦州建安州比有九都督府四十二州存於志者南蘇蓋牟代那倉巖磨米積利砦山延津木底安市諸北識利拂涅拜漢十四州而已百縣置安東都護府

於平壤以統之擢其酋帥有功者為都督刺史縣令與

華人參理

酋悉由朝鮮所類辦理猶治也時避上名以治為理通鑑因唐史成文

以右威

衛大將軍薛仁貴檢校安東都護總兵二萬人以鎮撫

之丁卯上祀南郊告平高麗以李勣為亞獻己巳謁太

廟 渭南尉劉延祐弱冠登進士第

渭南縣屬雍州後魏之渭南郡後周

廢為縣冠古玩銅

政事為畿縣最

唐雍州諸縣萬年長安為赤縣餘縣為畿縣六典曰城內

為京縣城外為畿縣

李勣謂之曰足下春秋甫爾遽擅大名宜稍

自貶抑無為獨出人右也

史言李勣愛人以德

時有敕征遼軍

士逃亡限內不首及首而更逃者身斬

首式又翻

妻子籍沒

太子上表

上時字翻

以為如此之比其數至多或遇病不及

隊伍怖懼而逃

怖普布翻

或因樵採為賊所掠或渡海漂沒

或深入賊庭為所傷殺軍法嚴重同隊恐并獲罪即舉

以為逃軍旅之中不暇勘當

當丁浪翻

直據隊司通狀關移

所屬妻子沒官情實可哀書曰與其殺不辜寧失不經

書大禹謨之言注云經常也寧失不常之罪不枉不辜之善

伏願逃亡之家免其配

沒從之 甲戌司戎太常伯姜恪兼檢校左相司平太

常伯閭立本守右相 是歲京師及山東江淮旱飢

二年春二月辛酉以張文瓘為東臺侍郎以右肅機檢

校太子中護譙人李敬玄為西臺侍郎譙縣帶亳州並同東

西臺三品先是同三品不入銜至是始入銜先悉為翻考異曰

陳紀在乾封二年文瓘始同三品銜今從舊本紀陳字必誤 癸亥以雍州長史盧

承慶為司刑太常伯雍於用翻承慶常考內外官有一官督

運遭風失米承慶考之曰監運損糧考中下監古街翻其人

容色自若無言而退承慶重其雅量改注曰非力所及

考中中既無喜容亦無愧詞又改曰寵辱不驚考中上

三月丙戌東臺侍郎郝處俊同東西臺三品 丁亥

詔定明堂制度其基八觚

觚攻乎翫方稜也

其宇上圓覆以清

陽玉葉

覆數又翫時按淮南子清陽為天故覆明堂以清陽之色玉葉非必以玉為之蓋亦瓦之類謂

之葉者尚朴之意猶茨之以茅也曰玉者示寶貴之耳

其門牆階級窓櫺楣柱柳

棗枅棋

說文曰在牆曰牖在屋曰窓釋名窓聰也於內見外之聰明也櫺虛經翻櫺間于窓隔也櫺屋

枅說文曰櫺屋榜毛晃曰棟下橫木曰櫺柱櫺也柳魚剛翻斜櫺謂之飛柳棗子結翻梁上櫺櫺枅堅奚翻屋

櫺所以承枅棋居珠翻大枅又棋枅

皆法天地陰陽律歷之數詔下之後

衆議猶未決又會飢饉竟不果立 夏四月己酉朔上

幸九成宮 高麗之民多離叛者敕徙高麗戶三萬八

千二百於江淮之南及山南京西諸州空曠之地留其

貧弱者使守安東 六月戊申朔日有食之 秋八月

丁未朔詔以十月幸涼州時隴右虛耗議者多以為未

宜遊幸上聞之辛亥御延福殿

九成宮中
有延福殿

召五品已上

謂曰自古帝王莫不巡守

守手
又翻

故朕欲巡視遠俗若果

為不可何不面陳而退有後言何也自宰相以下莫敢

對詳刑大夫來公敏獨進曰

詳刑大夫即大理少卿

巡守雖帝王

常事然高麗新平餘寇尚多西邊經略亦未息兵隴右

戶口彫弊鑾輿所至供億百端誠為未易

易以外間實

外間實

有竊議但明制已行故羣臣不敢陳論耳上善其言為

之罷西巡

為丁未

幾擢公敏為黃門侍郎

幾居

甲戌改

瀚海都護府為安北都護府

瀚海府見龍朔三年

九月丁丑朔詔

徙吐谷渾部落就涼州南山議者恐吐蕃侵暴使不能

自存欲先發兵擊吐蕃右相問立本以為去歲飢歉未

可興師議久不決竟不果徙庚寅大風海溢漂永嘉安

固六千餘家

漢順帝永建四年分章安東甌鄉立永寧縣江左改曰永豐隋平陳改曰永嘉縣又

孫吳立羅陽縣孫結改曰安陽縣晉平吳改曰安固縣並屬永嘉郡唐初屬東嘉州貞觀元年州廢二縣屬括

州冬十月丁巳車駕還京師十一月丁亥徙豫王旭

輪為冀王更名輪

史工衡翻

司空太子太師英貞武公李

勣寢疾

英者封國名貞武其諡也

上悉召其子弟在外者使歸侍疾

上及太子所賜藥勣則餌之子弟為之迎醫

為子偽訓下親為非

為久為同

皆不聽進曰吾本山東田夫遭值聖明致位三公

年將八十

考異曰舊傳云勳年八十六臨終語弟弼云年將八十新傳改云年踰八十按新舊傳

實錄皆云大業末翟讓聚衆為盜勳年十七從之自大業十三年至此五十二年若據舊傳年八十六則年十七當在開皇時不得云大業末也總章元年賈言忠對高宗云勳年登八十去此止一年若據新傳勳減高麗時年已八十五亦不得云年登八十今從實錄 豈非命邪脩短有期豈能復

就醫工求活

復扶又翻下不復同

一旦忽謂其弟司衛少卿弼曰

吾今日少愈可共置酒為樂

日少詩詔翻樂音洛

於是子孫悉集

酒闌謂弼曰吾自度必不起

度徒洛翻

故欲與汝曹為別耳

汝曹勿悲泣聽我約束我見房杜平生勤苦僅能立門

戶遭不肖子蕩覆無餘

謂房遺愛杜荷也

吾有此子孫今悉付

汝葬畢汝即遷入我堂撫養孤幼謹察視之其有志氣

不倫交遊非類者皆先撾殺然後以聞

以勦之智蓋知敬業必為變也

豈知敬業乃忠於唐室邪撾則爪翻

自是不復更言十二月戊申薨上聞

之悲泣葬日辛未央宮登樓望轎車慟哭起冢象陰山

鐵山烏德韃山

轎音而轎車喪車也所以載柩烏德韃山在回紇牙帳西南

以旌其

破突厥薛延陀之功

勦破突厥見一百九十三卷貞觀四年破薛延陀見一百九十八卷

二十年厥九勿翻

勦為將有謀善斷

將即亮翻斷丁亂翻

與人議事從善

如流戰勝則歸功於下所得金帛悉散之將士故人思

致死所向克捷臨事選將必訾相其狀貌豐厚者遣之

訾即移翻訾之為言量也相息亮翻

或問其故勣曰薄命之人不足與成

功名閨門雍睦而嚴其姊嘗病勣已為僕射親為之煮

粥風回熱其須髻

藝如悅翻

姊曰僕妾幸多何自苦如是勣

曰非為無人使令也顧姊老勣亦老雖欲久為姊煮粥

其可得乎勣常謂人我年十二三時為亡賴賊

亡請日無逢

人則殺十四五為難當賊有所不愜則殺人

愜苦叶翻

十七

八為佳賊臨陳乃殺之

陳讀日陣

二十為大將用兵以救人

死勛長子震早卒

長知兩翻卒子恤翻

震子敬業襲爵

考異曰劉練小說

云高宗時羣蠻為寇討之輒不利乃除徐敬業為刺史發卒郊迎敬業盡放令還軍騎至府賊聞新刺史至皆繕理以待敬業一無所問處置他事已畢方曰賊安在曰在南岸乃從二佐吏而往觀之莫不駭愕賊初持兵覘望及見船中無人及兵仗吏更閉營藏隱敬業直入其營內告云國家知汝等為貪吏所害非有他惡可悉歸田後去者為賊唯召其帥責以不早降之意各杖數十而遣之境內肅然其祖英公壯其膽略曰吾不辦此然破我家必此兒也按敬業武后時舉兵時承平既久旋踵敗亡若有智勇何至如此今不取

選人益多

選須絹翻下同

是歲司列少常伯裴行儉始與員外

郎張仁禕

唐制尚書二十四司各司有郎中二員從五品上員外郎二員從六品上禕字韋翻

設

長名姓歷榜引銓注之法又定州縣升降官資高下其

後遂為永制無能革之者大畧唐之選法取人以身言

書判

唐擇人之法有四一曰身取其體貌豐偉二曰言取其言辭辯正三曰書取其楷法適美四月判取

其文理

優長計資量勞而擬官始集而試觀其書判已試而

銓察其身言已銓而注詢其便利已注而唱集衆告之

然後類以為甲先簡僕射乃上門下給事中讀侍郎省

侍中審之不當者駁下

上時掌翻省悉景翻當丁浪翻駁比角翻

既審然後

上聞主者受旨奉行各給以符謂之告身兵部武選亦

然

武選兵部主之

課試之法以騎射及翹關負米

翹關長丈七尺徑二寸半

凡十舉後手持關距出處無過一尺負米者

人有格限

員米五斛行二十步皆為中第特奇奇翻

未至而能試文三篇謂之宏詞試判三條謂之拔萃入

等者得不限而授其黔中嶺南閩中州縣官不由吏部

委都督選擇土人補授

黔音琴閩者中翻選如字

凡居官以年為考

六品以下四考為滿

咸亨元年

是年三月始改元

春正月丁丑右相劉仁軌請致仕

許之 三月甲戌朔以旱赦天下改元 丁丑改蓬萊

宮為含元宮

即含元殿
以為宮名

壬辰太子少師許敬宗請致

仕許之 敕突厥酋長子弟事東宮

酋慈由翻
長知兩翻

西臺舍

人徐齊聃上疏

聃他酣翻
上時掌翻

以為皇太子當引文學端良

之士寘左右豈可使酋長子弟入侍軒闥又奏齊獻公

即陛下外祖雖子孫有犯豈應上延祖禰今周忠孝公

廟甚修而齊獻公廟毀廢

齊獻公文德皇后父長孫晟
也周忠孝公皇后父武士獲

也禰乃
禮翻

不審陛下何以垂示海內彰孝理之風

孝理即
孝治避

上名改治為理

上皆從之齊聘充容之弟也

齊聘姁入宮為充容列於九嬪

夏四月吐蕃陷西域十八州又與于闐襲龜茲撥換城

陷之罷龜茲于闐焉耆踈勒四鎮

闐徒賢翻龜茲音丘慈

辛亥以

右衛大將軍薛仁貴為邏娑道行軍大總管

邏娑川吐蕃贊普牙

在焉有邏些城

左衛員外大將軍阿史那道真左衛將軍郭待

封副之以討吐蕃且援送吐谷渾還故地

庚午上幸

九成宮高麗酋長劔牟岑反立高藏外孫安舜為主

以左監門大將軍高侃為東州道行軍總管

高麗在東時已列置

州府故曰東州
道監古衝翻

發兵討之安舜殺劒牟岑奔新羅 六

月壬寅朔日有食之 秋八月丁巳車駕還京師 郭

待封先與薛仁貴並列及征吐蕃耻居其下仁貴所言

待封多違之軍至大非川

自鄯州鄯城縣西行三百餘里至大非川

將趣烏

海

烏海在漢哭山西隋屬河源郡界杜佑曰吐蕃國出鄯城五百里過烏海暮春之月山有積雪地有冷瘧

令人氣急不甚為害趣七喻翻

仁貴曰烏海險遠軍行甚難輜重自隨

難以趋利

重直用翻下同趣七喻翻

宜留二萬人為兩柵於大非嶺

上輜重悉置柵內吾屬帥輕銳倍道兼行掩其未備破

之必矣仁貴帥所部前行擊吐蕃於河口大破之

河口積石

河口也帥讀曰率

斬獲甚衆進屯烏海以俟待封待封不用仁

貴策將輜重徐進未至烏海遇吐蕃二十餘萬待封軍

大敗還走悉弃輜重仁貴退屯大非川吐蕃相論欽陵

將兵四十餘萬就擊之

將即亮翻下同杜佑曰祿東贊論欽陵本姓薛氏世為大論後

遂以官為氏大論吐蕃統理國事之官也相息亮翻

唐兵大敗死傷略盡仁貴待

封與阿史那道真並脫身免與欽陵約和而還

還音旋又如字

敕大司憲樂彥璋即軍按其敗狀械送京師三人皆免

死除名欽陵祿東贊之子也

祿東贊事始一百九十
五卷太宗貞觀十四年

與

弟贊婆悉多于勃倫皆有才畧祿東贊卒

卒子恤
下氏卒同

欽

陵代之三弟將兵居外鄰國畏之 關中旱饑九月丁

丑詔以明年正月幸東都 甲申皇后母魯國忠烈夫

人楊氏卒敕文武九品以上及外命婦並詣宅弔哭

閏月癸卯皇后以久旱請避位不許 壬子加贈司徒

周忠孝公武士驍為太尉太原王夫人為王妃 甲寅

以左相姜恪為涼州道行軍大總管以禦吐蕃 冬十

月乙未太子右中護同東西臺三品趙仁本為左肅機

罷政事

龍朔二年改左右庶子為左右中護

庚寅詔官名皆復舊

改官名見

上卷龍朔二年按新書
帝紀係十二月庚寅

資治通鑑卷二百一